

LUSIKA LWA KELEKE YA EFESE



Mulena ami fuyole.

Kuna ni ya zamaisa mota mwahala luna ya—ya Dodge, ki Dodge yenca, nombolo yayona ki WX-2129, iyemisizwe mwa mukwakwa kwani? U siile malaiti, malaiti a kwa pata kaufela, atuka. Mi haiba kuna ni ya zamaisa mota yeo, kupalañi, zwela fandé u yo tima malaiti a hao. I yemezi kwa neku la nzohoto la mukwakwa, kushetumuka mwa mukwakwa wa Eighth Street. Ni sepa kuli ki nombolo ya New Albany, WX-2129. Ki Dodge ye fubelu, Dodge yenca, hakulata ki ya mwa '59, '60, kamba mwahala lilimo zeo. Mi Ne ni sa zibi haiba nekuna ni mutu mwahali mo ya . . . zwile kokuñwi. Ku lukile, uteñi. Mi kacwalo ki nto yende. Cwale, Ha nina kubulela kuli ki likalibe feela ze libalanga cwalo, kakuli Nina na libalanga.

² Kihande, ki nto yende hahulu fa kukuta hape busihu boo mwa sebelezo, ni kuba ni nako yende ye ya sebelezo fa kaufi ni Linzwi. Kana musweli mwa ikola Yona? [Kopano ili, “Amen.”—Mu.] Oh, ki hande, lu sweli fela kuba ni nako yende, yende hakalo. Mi lu sepa kuli Mulimu uka lu tusa ku zwelapili cwalo.

³ Cwale, muzwale waka na ilonga limati lelinu fa kuñola faa, kono ki—ki le li kuswani hahulu, ha li si ka fita fahalimu nyana. Konakuli kamuso, kihande, Ni ka lika ku lipaheka fahalimu nyana fa, ku li lepeleza mwahalimu ni ku lieza kuli . . . Ni bata ku swanisa fateni lika ze Ni bata ku tatulula, kuli mukone fela ku . . . ni kuli fela mubone kuli mwa Li utwisisa hande.

⁴ Nekuna ni . . . Maabani busihu, kamba neli maabani, musizana waka yomunyinyani, Sarah, neli yomunde luli. Bomahé ni Na ne lisweli kutalimela fa pampili ya hae; na sweli kuñola litaba zeñwi. Mi na ñozi lika kaufela hande mi ka swanelo, Isaya ni Mateu ni lika zeñwi kaufela. Mi kwa mafelelezo a—a pampili, nana ni “Ni—ni lifu . . . Libita halina tulo ni yekana ku lona, mi lifu buhazo bwa lona ne bu comozwi.” Ukuma fa lilimo ze supa za kupepwa. Mi cwale kufita kuli a be ni “Sinulo,” a bulela kuli, “Buka ya licinceho za zwelopili.” Kihande, sani si bonisa kuli ba tokomela kuba ni sesiñwi, nihakuli cwalo, nji cwani? Ni sepa kuli musizana yomunyinyani wa Muzwale Collins, u inezi kwa mulaho kwani, mi ne ba ñozi kuli (“Cinceho”?), “Zazi la licinceho,” Muzwale Neville abulela. U sweli kulumelelana ni yena. Ni sepa kuli kaufela luna ni kuezá cwalo.

⁵ Kihande, lu sweli kuba ni nako yende luli. Mawi, Mulena usweli wa fuyola. Ne ni ile kwa kubala kakusasana kacenu, mwa muzuzu, Ni sa zo isa fela banana kwa sikolo, mi ha ni mano kuta

fela fa nako nyana; ne lubile fela ni nako yende. Maabani busihu, ne ni balile kuisa busihu luli, nina.

⁶ Mi mwendi ka tu-seti ya kakusasana batu babañwi ba taha kuzwa kwa mutulo, ba lu nga . . . ba to ni nga ku yo lapelela musizana yomuñwi ya na shwa. Mi Ni sepa kuli Mulena uka mu zusa mane a be hande. Ba taha fela, kuzwelela kwa Bedford, Indiana, kutela fela kupo yakuli musizana a lapelelwe ka nako yani. Baana bababeli nebaliteni mwa sebelezo maabani busihu mi ba ya kwateni ka mota kuyo punya, mi mane ku yo punya ni kafoo, mi ni ku yo kuta hape. Mane ba zamaile busihu kaufela ka mota. Mi kacwalo, ki nto yende kuziba kuli batu bana ni sepo yecwalo mane ba lumela ku Mulimu.

⁷ Oh, ki lizazi lelituna le lu pila ku lona. Mi lu kulubela cwale, fa masika a likeleke aa, kuli lube ni zeñata ñata fela.

⁸ Cwale luseli kulika kukala ka kuitahanela nyana busihu ni busihu, kuli luzwe kapili. Mwa tabela zeo hande? Mi zeo li lumeleza sicaba kuya kwa musebezi, ba ya kwa malapa kuli ba yo ya kwa misebezi. Maabani busihu ne lu caisize mwendi ka mizuzu yeketalizoho, mizuzu ye lishumi kasamulaho wa naini, kamba mbwasha Ne se ni felize. Mi kacwalo lutabile fa kuba ni bakutazi kaufela mwahali mo babali ni luna busihu cwana. Mi Na—Na . . . Muzwale Junior Jackson, Muzwale Carpenter, ni muzwale wa luna yazwa kwa keleke kwani, ni babañwi babañata babali kwa katala kwanu ni mwahala mukopano.

⁹ Mi Ni bulezwi kacenu kuli mulikana ka yomunde luli yanali ni na mwa masimu a musebezi, Muzwale ni Kezeli Andrew ya zwile kafoo mwa China, naliteni mwa mukopano maabani busihu. Ha ki nako kwabunde yene lubile ni yona kwa Jamaica ñohola cwana. Nelubile ni nako yende, Ne nili kwa lapa la bona. Mi ni, haiba . . . Hani zibi haiba Muzwale ni Kezeli Andrew bateni mwahali mo busihu cwana mwa—mwa mukopano? Muyaho wo ha u si ka yahiwa fela hande, konakuli . . . Eehe, ne ni inezi kafoo kwa mulaho. Haiba mwakona shangwe ha mu yeme, Muzwale ni Kezeli Andrew, fa nako nyana fela. Mulena ami fuyole. Lu tabile hahulu ka ku mi bona, Muzwale ni Kezeli Andrew. Ne ni ba memile kuli batahe ñohola ha ne Ni li kulo kwani.

¹⁰ Cwale, ha ni buleli cwalo kakuli bateni (Ne ni ka bulela zeñata mane, kono Hanina ku li bulela cwale), kono bona ba swana sina bo Ni kona kubiza kuli ki bahasanyi ba linzwi. Haiba ba ka taha kamuso busihu, ni ka tokwa kuli ba bulele nyana lu si ka kena kale mwahali. Ni bata kuli mu utwisise se si taluswa ki tumo ya mwa masimu, ha ne bali kwahule mwa matakanyani kufitela bafelelwa ki . . . Kihande, ki ba . . . Ni sepa kuli neli myaha ni myaha ni myaha yene bali kwa mulaho kwani, mi mane ba li kuba ba bone fateni mota kamba sitima, kamba sika kaufela, ka myaha ni myaha. Mane nikuli Kezeli na lu

banga sinkwa sa bona ka . . . Mwana i natelanga. Mi . . . Cwale, yani muhasanyi wa linzwi ya kwanile. Muzwale Andrew nana ni ndonga ni bwanda mi na li dokota, na li lukile hamoho ha ne li pazuhile fahali. Mi Ni sepa haiba mwana u . . . bana ha ba taha cwalo, Kezeli Andrew neli mupepisi mi Muzwale Andrew neli dokota. Ne ba itingile fela ku bona.

¹¹ Mi cwale misebezi ya mwa masimu a . . . kuzwa kwa England, ba Pentecostal Missions of England, ha ne ba bulezi kuli neba “supezi hahulu kuli ba kutele mwa simu,” (Ni ka mi bulelela fela mo ba bezi bahasanyi ba linzwi ba luli, ne ba sa tabeli kunga sipula sa mukanamo ni kuina fafasi) ba kutela ku za bona, ku kutela kwa Jamaica mi bainzi kwande kwani inge ba hasanya bulumiwa cwale. Muzwale Fred Sothmann ni Na kwanu ne lu bile ni lithonolo la kuya kwa lapa la bona ku yo ba potela, mi ha ki nako kwa bunde ye ne ba lu bonisize; ye—ye munati hakalo sina Bakreste mo ba lukela kubela. Mi Na mi bulelela, Ha ni buleli cwalo ka . . . Ni kona kutabela ku ba fa palisa nyana cwale kufita sikocela sa lipalisa ha se ba timezi. Na mi bulelela, ki Bakreste ba luli. Mi Na bulelela musala ka kuli Kezeli Andrew neli alimuñwi wa ba bande hahulu, basala ba bande ba Bakreste ye ni kile na katana fateni. Fela . . . sibupeho sa hae si bupilwe ku Kreste, ni yena; mi Muzwale Andrew, ni yena u cwalo. Kacwalo, Na ziba haiba mina kaufela mi ba boni be ne ba yemi, Ni bata kuli keleke ye iba swale mwa mazoho ni ku utwa ku bona ba si ka kuta kale.

¹² Cwale, kamuso, haiba Mulena a lata, kupalañi, lu kaba . . . kamuso busihu lu ka kalisa ka lusika lwa keleke ya bubeli. Busihu bo lu kala ka lusika lwa keleke yapili. Ni sepa kuli Mulena u lu bulukezi mbuyoti.

¹³ Mi muhupule, sina Ha ni bulezi kale, linako zeñwi fa litaba ze lwa kona ku sa lumelelana ku zona kuya—kuya ka lituto za bulapeli mo li tomahanyeza. Mi buñata bwa mazazi ni linako zateni Ni li zwiwa kwa sicaba sa baikale ba sakata, ha ki kuli ni yemela mañi wa bona kaufela kwa neku lifi, kono ne ba ñozi fela niti ka swanelo, kaufela se ne ili sona, se ne li ezize likeleke. Mi Na . . . Eeni sha, kalulo ya Bumulumu ya toloko yateni, Ni lika kuipeya fateni na kasibili, kuya ka bunde mo Ni zibela. Mi fokuñwi haiba Ni bulela ka buhali nyana kamba lika ze cwalo, Ha ni talusi ku halifa. Mutu kaufela wa ziba cwalo, ya ni ziba, u ziba kuli Ha ni talusi kueza cwalo. Ni bata fela . . . Kono fa kuli ni tomahanye hande ze ni bulela, muka . . . Kuswana fela ni ku ngongotela mapo kuli ikene mwa libala, haiba mu ka icomeka fela kunyanyabeka, haina ku tiya. Mu na ni ku inatela ku ikasha mane ipunye, kuli ikone ku swala. Mi ona seo kona se Ni lika kueza. Kona kuli ha ki kuli Ni lika fela ku sa lumelelana, kakuli Ni bulela kwa likopano kaufela ni zeñwi kaufela, kona kuli ha ki . . . cwalo.

¹⁴ Ni bulelanga kamita, sina za kuzwakanisa likomu. Na hupula myaha ya kwa mulaho kafoo ne Ni inzi zazi leliñwi ha ne basweli ku . . . nebana ni kasa mwa sibaka sesiñwi, ne luisa likomu mwa mushitu, mi Ne ni sweli kutusa kuisa likomu mwa, sibaka se ne ba biza kuli lukwakwa lwa ku sileleza ko ne ku fulanga likomu za ba katengo ka kabizwa Hereford Association kwa—kwa musindi o bizwa Troublesome River Valley. Mi Ne ni inzi fani ni lihutu laka inge li nyendaela fahalimwa lunaka lwa sipula sa mupahami wa pelesa, inge ni talimela mulisana hana sweli ku kenya likomu mwa lukwakwa lwa kusileleza.

¹⁵ Cwale, muna ni kuba ni . . . fo ki ha mukena mwa sibaka sa muuso, mi muna ni kutisa libunda tuna la bucwani bwa lico za likomu mu si ka kasheza kale komu ku yo fula mwa sibaka. Mi sibaka ni sibaka si tisanga bucwani bobuñata luli, likomu zeñata luli, kona likona ku fula.

¹⁶ Cwale, ne li sweli kukena mwatani za mifuta yemiñata kaufela ya zona. Zeñwi za zona ne lina ni sisupo sa “Bar X.” Bo Grimes bukau fi fela ni luna nebana ni sa “Diamond T,” neli T kwa mafelelezo a daimondi. Nekuna ni ze ne bizwa “Lazy K,” fañambamo fela a nuka ya Troublesome River. Za luna ne li “Turkey Track.” Mwatasa ya luna fela nekuna ni “Tripod.” Mi nekuna ni mifuta ya likomu kaufela ze ne fita mwa munyako wani.

¹⁷ Mi Ne ni lemuha kuli mulisana na sa tokomeli hahulu ka mo ne li bupezwi, na sa li talimeli. Fokuñwi ne li comekiwa kwa nzohoto ya komu, kona kuli na si ke kubona mufuta wa komu. Kaewalo ne—ne si kuli na sweli kutokomela mubonahalelo wa zona. Kono nto iliñwi ya na tokomela hahulu, neli kuli hakuna komu ye ne ka kena mwahali isina zibahazo ya mali kwa zebe ya yona. Neina ni kuba peu ye si ka zwakiwa ya Hereford kusi cwalo ne i si ke ya kena mwa mushitu wani. Mufuta wa yona no si ka ba ni shutano yetuna hahulu, kono neli buino bwa mali. Mi Ni sepa kuli kona mo ku ka bela kwa katulo. Haina kuba mufuta wa ze lu apezi, Za ka bata kubona ki zibahazo ya Mali, “Ha Ni bona Mali, Ni ka mi fitelela.” [Muzwale Branham uambola ni Muzwale Gene ka mo i belekela maikulofoni—Mu.] Cwale, kana Ni fosize nyana, Gene, Ni fosize nji? Mulumo ki omutuna. Ku lukile . . . Ki kucincana ko kuli mwahala zepeli, kana ku cwalo? Ku lukile. Ni itumezi Muzwale Gene. Ku lukile.

¹⁸ Cwale lu ka lika kuzwa ka kuitahanela hape busihu boo, kuli lukone ku yo kuta kamuso busihu ku to nga masika aa. Mi Na mi bulelela, ku tata hahulu kuli ni buluke zeñwi za lika zateni zetuna ze li teni kwa matuko a nzila; ka kulika fela ku linga kaufela zona mwa busihu bulibuñwi. Mwa ziba, wani kona mufuta wa sibupeho sa ka, kono luna ni ku li liyehisanga nyana busihu ni busihu.

¹⁹ Cwale, lu si ka kala kale kuapula Buka, hani zibi haiba lwakona kuyema fa nako nyana kwa . . . Mucinca libaka za mina za . . . hanze lu yema, ku baba kona. Mi ha lu inamiseni litho za luna cwale, ka tokomelo, kwa linzwi la tapelo:

²⁰ Ndata luna yakwa Lihalimu, ki luna ba hape lu atumela Lubona lwa Hao lolutuna lo lu Kenile, lutaha kusina ku ikutwisisa kwa tumelo, kakuli lutaha kakuli lu memilwe kuli lutahe. Ha lukoni kubulela kuli lutaha ka libizo la keleke yeñwi kamba kopano, kamba ka libizo la keleke ye, kamba ka libizo la luna, kakuli ha lukoni ku kolwa ka zeo, haiba neluka fumana tatubo ye ni Mulimu kamba nee. Kono cwale Jesu ha na lu bulelezi kuli, “Mu kupe Ndate sika kaufela ka Libizo la Ka, Ni ka si eza,” kona kuli fo lu ziba kuli lutaha ka Libizo la Jesu, U ka lu utwa, Ndate.

²¹ Lu tabile hahulu ha nze lu bala ka za ba bulaiwa ba mwa mazazi a fitile, mo ne ba tamezi bupaki bwa bona ka mali a bona, mi, Ndate, si lu eza kuikutwa kuli luna lueza ka bunya mwa lizazi le. Mi Na Ku lapela, Mulena, kuli U swalele kusa—kusa—kusa iseza ngana kwa luna, ka mo luinezi, ka za musebezi wa Hao. Mi lu lapela kuli U lu toze sinca halunze lu bala Linzwi la Hao, ni kubona manyando a tahile mwa mazazi a felile kuli abupe mayemo sakata a Keleke ye liuluzwi ya Mulimu ya pila yee.

²² Na Ku lapela, Ndate wa Lihalimu, kuli ubulele ka luna busihu boo kakuli ha lu zibi za ku bulela; lu sweli kulibelela feela mi lu kupa ka tapelo ye faa kakuli lu fa Pila Mulimu mwa Keleke ya Hae, mi lu kupa kuli Moya o Kenile oli fahalimwa sicaba se u swalane mata a Ona hamoho busihu boo ni ku nyunga Evangeli mwa pilu ifi ni ifi kaufela, ye ka lufa mayemo a manca ni sepo ye nca ya lusika lo lu sa taha. Peta cwalo, Mulena, kakuli lu bona kota ya feiga ha ishoshela matali a yona mi Isilaele iba naha, mi mazazi a Bamacaba a fela mi a balilwe, lu libelezi kutaha kwa Muliululi yomutuna, Mulena luna Jesu Kreste.

²³ Zamaya mwahala luna, Mulena. Sina mo ku bulelezwi busihu boo kuli, “U zamaya mwahala malambi,” kona kuli zamaya mwahala luna busihu boo, Mulena. Mi lemusa lipilu za luna kwa bumaswe bo bu libelezi kwapili, mi u lufe kutwisiso ya Linzwi la Hao, kakuli lu kupa ka Libizo la Jesu. Amen. Mwakona kuina.

²⁴ Cwale, sina mo Ni nze ni bulelelanga zazi ni zazi, Ni likanga kuba ni ze ñozwi zeñata fa pampili kuya ka mo Ni konela, ka za linako, libaka, ni zeñwi cwalo, kakuli ki taba ya kale ye lu atumela. I bile taha ya kale, mi cwale lwa shetumuka, hape, ku li tamahanya kwa nako.

²⁵ Cwale, la Sunda kakusasana ni la Sunda musihali . . . kamba la Sunda manzibwana, nitaluse, ne lu bile ni nako ye kanya. Na ziba hande ne lubile ni yona. Ni ezize cwalo, na kasibili. Mi mwa Sinulo . . .

26 Cwale, lu bala sikamañi? Ki Sinulo ya Jesu Kreste. Mi ki sikamañi se ne lu fumani kuli Mulimu na bonisize sinulo ni kuli Na li mañi? Nto yapili ye lu fumana, mwahala sinulo kaufela, ya neli kuli Mulimu na patuluzi yo ali Yena. Kuli, Jesu ne si mutu wa bulalu mwa bulalu bwa bulimu, Nali yena bulalu ka kutala. Na li kamukana zona cwalo Ndate, Mwana, ni Moya o Kenile. Mi yani ne li yona sinulo. Linako zene u bulezi mwa kauanyo ye swana, kuli Na li Mulimu Yamata kaufela; Ya na liteni, ya liteni, ni ya sa taha; Mubisi ni Situndo sa Davida.

27 Cwale lu fumana cwana, cwale, kuli mwahala lika ze lu ka lika kutatulula taba kaufela, kakuli ha Ni zibi fo lu ka Li utwela hape, mwendi hakulata hakusana, konji nako ha i ka fela mi ikene mwa Kuyakuile. Mi cwale, sina ha Ni bulela, kwa kona kuba mizwale ba bañata, baluti ba ba cuukile hande mwa kubulela lika ze ku Ni fita, mane mwendi bakona kuba ni toloko yende ku zona, kono Mulimu u li beile fa pilu yaka ku lieza mihe Ni kona kuba muipi ha Ni si ke kubulela ona cwalo fela mo Ni hupulela kuli kona ze lukile. Mwabona? Kacwalo, Ni—Ni bata kuba ya lukile kamita fa pila Mulimu, ka nako kaufela, kuli “Ha ni si ka pata taba,” sina Paulusi ha ba bulezi, “ku mi lemusa musihali ni busihu, ka kusheka mioko, kuli keleke ikone kuba mwa mayemo ka nako yateni.” Haiba kuba ni ya latehile, mali abe mwa mazoho aka, kakuli Ni bata ku toloka hande ka lika kaufela za mali a batu ka nako yani. Haiba mu fapahana, kiñi, fo ki kuli, ka mukwa o munde fela wa bulikani, zeo likaba fela hande. Cwale, kono, mwendi Mulena uka patululela si ka se si ka lu tusa kaufela, hamoho.

28 Cwale, nto yapili, lu bona kuli Na ipatuluzi ili Yena. Cwale lwa u twisisa yo nali Yena.

29 Cwale, kushetumuka cwalo, sina ha Ni bulezi manzwi ani ka za kufafaleza, ni kolobezo ka libizo la “Ndate, Mwana, Moya o Kenile” kakuba kolobezo ya Katolika mi isi ya Baipanguli kamba kolobezo ya Testamente ye Nca, Ni sepa Ni bulezi taba yeo ka kutatulula. Mi Ni kupile mutu ufi kaufela ya ka ni bonisa palo ya Liñolo koo mutu kaufela akile a kolobezwa mwa Bibebe kamba ku to fita kwa katengo ka Laodicean Council ko ne ba ongaongile keleke ya Katolika, koo mutu kaufela a kile a kolobezwa ka libizo la “Ndate, Mwana, Moya o Kenile,” shangwe mutahe mu to ni bonisa. Mi Ni ka mameka mwa mukokoto waka kuli, “ni mupolofita wa buhata,” ni ku zamaya mwa mukwakwa. Cwale, Ni eza fela kuli. . . ha ki ku sa utwiwa, kono fela ki ku mi bonisa fela kuli ki Niti. Mwabona?

30 Cwale, kipeto Bibebe ya Mu patulula moo, kuli ki Yena Mulimu Yamata kaufela, nama mwahala luna. Mwabona? Hakuna Ndate, Mwana, ni Moya o Kenile; ha ki balimu ba balalu, kamba Mulimu alimuñwi wa pumakilwe mwa liemba zetaalu. Ki Mulimu alimuñwi ya na beleka mwa liofisi zetaalu: mwa Bushemi, Bwana, ni mwa Moya o Kenile. Mulimu ku tuluka

kuzwa kwa Edeni, inza lika kufumana nzila ya Hae ya ku kutela mwa lipilu za batu, ku to pila ni kuba bana ba bashimani ni basizana ba Mulimu hape ni Yena. Yani ki yena Mulimu fahalimwa luna, Mulimu yapila ni luna, Mulimu mwahali ku luna. Yeo kona shutano. Mwabona?

³¹ Mi cwale lika zeo, mi ni Bibebe ipatulula cwalo mi ibulezi hande ka tokomelo mwa kauhanyo ya 1 ya Sinulo; yeli yona fela Buka inosi mwa Bibebe, mwa Testamente ye Nca, mutomo kaufela wa Testamente ye Nca, kona Buka fela inosi yana beile Jesu liswayo la Hae kasibili ku yona. Mi ki Hali, kwa makalelo a Yona, “U filwe mbuyoti ya bala ni ya utwa.” Mi kwa mafelelezo, Na ize, “Haiba mutu kaufela u ka zwiwa kwateni siemba sa Yona, kamba ku ekeza sika ku Yona, ze swana li ka zwiwa kwateni, kwa siemba sa hae, kuzwa mwa Buka ya Bupilo.” Kacwalo ki sikuto kuli mutu azwise kwateni sika, ye ki Sinulo yetezi ya Jesu Krete. Kona kuli haiba lu Mu eza kuba lika zetaalu, mwa ziba ze ka ezahala. Mwabona, libizo la hao la takuha.

³² Mi hakuna ni yomukana, hakuna Muipanguli, hakuna niheba keleke ifi ya pili ye kile ya lumela mwa balimu ba balalu. Neibile taba yetuna fa katengo ka ba Nicene Council, mi bubeli bwa bona ba ba ikaba kwa mitai; yo aya neku *le*, mo ukona ku bulelela. Ba bulapeli bwa *zetalu*, batu ba tumelo ku zetaalu baba lumela mwa lika zetaalu, ili bona ba ba ti lo tateka keleke ya Katolika, ba kena mwa bulalu ka kutala, kupanga Mulimu batu “babalalu.” Mi nekuna ni yana lumela kuli Mulimu neli “alimuñwi,” mi ba zwelapili kwa neku leliñwi ku yo ba mwa tumelo ya *buñwi*. Sibeli sa bona kaufela ba lyangani. Mulimu hakoni . . .

³³ Jesu na si ke aba Ndate ka yena anosi, mi hape Jesu ha koni kuba ni ndate mi Yena abe . . . ikaba balimu ba balalu. Ha—ha li koni kubeleka. Kakuli haiba Una ni ndate, mi ndate ki usili kwanda Hae, kona kuli Nana ni . . . mi Moya o Kenile ki usili, Ki mwana wa mwa bucwani kanti. Bibebe ibulezi kuli Moya o Kenile no li yena Ndate He. Mi haiba luba ni Moya o Kenile, kona kuli ha ki Moya o Kenile, ki Ndate ku luna ka libizo la Moya o Kenile, ya itusisa ofisi ku luna, kakuli no banga ku muuna ya na bizwa Sipuku, mi u kutile hape Sa li ku luna cwale, ki yena Jehova Mulimu yaswana. Mwabona?

³⁴ Hakuna balimu ba balalu. Balimu ba balalu ki buino bwa kuwa ni buhedeni, mi ne bu kalisizwe. Mi haiba mu ka ina fela mwahala biki mi mu tokwe ku akaleza lika, kono mutalimele, mulinge, kuya ka litaba za kale. Munge litaba zeswana za kale ze Ni talimile kamba mutu usili kaufela, taba ifi ya kale kaufela. Ha lu li zibeni fela, kuli litaba za kale kaufela za lumelana ka kuswana. Baituti ba litaba za kale bani habana za kueza ni neku lifi kaufela, bona ba tabela fela kutomahanya buniti, ze ne ezahalile. Mi mutalime ka tokomelo lika zeo mo ne li kenezi ka Luther ni kutaha ka Wesley, ni ku to patululwa mwa mazazi a

maungulo, za kolobezo ya libizo la “Ndate, Mwana, ni Moya o Kenile.” Mutalime fela mo ne li kenezi mwa keleke ya Katolika, mwa Masika a Lififi, za taha ku Luther, ku to punya ni ku Wesley, kono mwahala Wesley ni ba Laodesia (kwa mafelelezo) ne li na ni ku patululwa. Yeo ki niti. Cwale, mi ze kaufela ki litaba za kale, mi ha ki za kale fela, kono ki Bibeke.

³⁵ Mi cwale, busihu boo, lu atumela Masika a Likeleke Zesupa zene li likeleke ze supa zene li mwa Asia Minor ka nako ya ku ñolwa ya Buka. Likeleke ze ka nako yani ne lina ni mibonahalelo ya zona ya masika a linako ze ne sa taha, bakeñisa kuli. . . Nekuna ni likeleke zeñata kufitelela zeo, keleke ya Makolose ni zeñwi zeñata ka nako yani, kono Mulimu anga likeleke ze bakeñisa mikwa ya zona.

³⁶ Cwale, lu fumana kuli Yena na yemi mwahala malambi a sebene a gaunda, Na sweli mwa lizoho la Hae linaleli ze sebene. Mi linaleli ze sebene zani, na ize, mwa timana ya 20 ya kauhanyo ya 1, kuli “Ki mangeloi a sebene kuya kwa likeleke ze sebene.”

³⁷ Cwale, mwa Bibeke ne ba si ka utwisisa Sinulo yee. Kakuli, ki bunde mañi bo ne bu kaba teni ku bona kutalimela ni kulibelela kufitela ba yo ba ni myaha ye likana sikiti Jesu a si ka taha kale? Ne li si ka fiwa ku yena.

³⁸ Mi Ni bulela cwana, ku mina sicaba moo, mina sicaba sa Katolika, ku mina ba Lutheran, ku mina ba Methodist, ni babañwi cwalo, ne isika fiwa ku Martin Luther, Liseli le lili mwa Linzwi kacenu. Kambe mane ne li si sa fiwa ku John Wesley. John Wesley na lutile ka za kukeniswa kwa na siile Luther. Mi Liseli li taha kuya ka mo lutokwela Liseli. Mulimu wa Li bulela, mi ha Li si ka kwalulelwa ku luna kakuli Li patezwi kwa meto a luna kuisa lizazi leo Mulimu akona ku Li patulula ku luna. Mubata kuziba mo ku ka bela ha se luile? Ehe, Ni susuezwa kuli kuna ni hahulu, hahulu mane kuli hakuna lika ze lu ziba ka zona. Yeo ki niti. Kuna ni Maswayo a Sebene, haiba lu ka nga fela Buka ya Sinulo kaufela yona ka kutala, ze swailwe kwa mulaho a Buka. Mane ha li si ka. . . ha li si ka ñolwa mwa Buka. Mi Maswayo ao a lukela ku kwalulwa mwahala lusika lwa keleke lo, mi ni likunutu za mafelelezo za Mulimu lina ni kuzi- . . . ku zibiwa. Oh, Ni tabela kuli buluka mwahala maliha kaufela kufita hane lukafita ku Lona. Eeni, sha! Masika a Likeleke Zesupa.

³⁹ Sina Daniele mwa na bezi ni mishika ye sebene, ni ku haniswa; mi Joani autwa manzwi, mi Buka ye ne i swailwe, mi kwa mulaho wa buka ne ku swailwe ka Maswayo a Sebene; kono mwa mazazi a Maswayo a lukela ku kwalulwa aa, “Ki kunutu ya Mulimu ye ka felelezwa.” Ka manzwi a mañwi, Mulimu na ka zibahala kwa Keleke ya Hae; isiñi mwa batu babalalu, kono ka kuba Mutu alimuñwi. “Kunutu ya Mulimu ika patululwa,” mi cwale zeo ha ne li patuluzwi handende, kona kuli makunutu na ka kwaluhela kwa Keleke; kakuli, mwahali mwani, Keleke

ika pila mwatasi susumezo ya Moya o Kenile, Yena inza kena mwahali ni kuzwela fande ni kubonisa lisupo za Hae za kuba ya pila mi mwahala luna, upila mwahala luna, mi lusweli ku lapela Kreste yapila yali mwahala luna.

⁴⁰ Musike mwa bata likeleke zetuna ni lika zetuna. Ha lu fita fa lusika lwa Pentekota loo, mu ka bona hande fo ne ba latehisize lika. Keleke luli ya *Laodesia* italusa “kufuma, ku sa tokwa sika,” ni mapunu, bubotana, bubofu, kunyanda, mi ha ba li zibi. Mwabona? Ne ba bata lika zetuna sina masheleñi, ni miyaho, ni lika zeñwi kaufela.

⁴¹ Mi, Keleke ibile cwalo kamita mwa—mwa kutapiswa kwa lifasi. Mi ki ba nebali fa: ba toilwe ki batu kaufela, ba kendiwa, mwa tunzila kwa matuko a nzila, kaufela ko ba kona kupila. Mubale Maheberu 11, mi munge litimana ze sikisi kamba eiti za mafelelezo za yona, mo ne “ba yambaezi mwa mahalaupa, mi—mi ni kutina matalo a lingu ni lipuli, mi ne ba yambaela, ni kuziyeleha, ni kunyandiswa.” Sicaba sani kwani, bupaki bwa luna bu ka yema cwani kubapiswa ni bwa bona mwa lizazi la Katulo? Mwabona, sicaba sani mwa lizazi lani.

⁴² Cwale, mwa lusika lwa keleke ye . . . Lu se luboni likeleke ze sebene, cwale Ni bata ku linga ka kutomahanya hande. Ha ni sepi kuli mwakona kubona faa, mwendi haiba babañwi ba mina mwakona, Na kakanya luli luli, kono Ni ka lika ku lieza, (Na ziba kuli hamukoni kubona, hamuinzi fafasi cwalo), ku li eza Masika a Likeleke Zesupa. Ni ka swala mwa lizoho kuli mu utwisise.

⁴³ Za kalisa, Keleke ne ikalezi kwa Pentekota. Kana kuna I yakona ku hanyeza zeo? Batili, sha! Keleke neikalezi kwa Pentekota ka Mbuyoti ya Pentekota, mi ne i tomilwe ki Jesu Kreste ku to zwelapili kuisa kwa lizazi la mafelelezo ka Liñusa leli swana ni mbuyoti ye swana ye beleka ku luna. Tumo ya hae ya mafelelezo kwa Keleke ya Hae, Mareka 16, “Muye mwa lifasi kaufela, mukutaze Evangeli, lisupo ze li ka latelela baba lumela.” Cwale, libaka za mina? “Kwa lifasi kaufela.” Ku bomañi? “Sibupiwa kaufela.” Bunsu, bufubelu, buñandatalukeke, busweu, sibupeho sa mufuta ufi kaufela sene sili sona, mukutaze Evangeli kwa sibupiwa kaufela. “Lisupo ze li ka latelela baba lumela.” Cwale, busihu bo lusweli ku toma ku seo, lukalisa fela kushabaka busihu boo, busihu ni busihu lu sehulula kwateni kalulo yetuna ya Zona konji lufita kwatasi a lusika lwa keleke ya luna. Cwale, lu fumana kuli yani neli tumo ya Hae.

⁴⁴ Cwale, lusika lwa keleke yapili neli keleke ya Efese. Lusika lwa keleke ya bubeli neli Smurna. Lusika lwa keleke ya bulalu neli Pergamosi. Lusika lwa keleke yabune neli Tiyatira. Lusika lwa keleke ya buketalizoho neli Sardis. Mi lusika lwa keleke ya bu silezi neli Filadelfia. Mi lusika lwa keleke ya busebene neli Laodesia.

⁴⁵ Cwale, lusika lwa keleke ne lu kalile ka A.D. 53, fani Paulusi ha toma keleke mwa—mwa Efese. Fa musipili wa hae wa bulumiwa, a toma keleke kwa—kwa Efese, keleke ya Maefese, mi neli yena mulisana wa yona ha to pumiwa toho ka 66, ku mu eza kuba mulisana wa keleke ya Maefese ka myaha ye mashumi amabeli ni yemibeli. Kasamulaho wa lifu la hae cwale lu bulelelwa kuli Muhalalehi Paulusi. . . kamba Muhalalehi Joani musinuli a to ba mulisana wa keleke ni ku i zwisezapili mwa lusika loo, mi lusika lwa keleke lwa fitelela kukena mwa 170.

⁴⁶ Mi kasamulaho wa Lusika lwa Keleke ya Maefese, kuzwa ka A.D. 53 kuisa ka A.D. 170, mi akalisa ka Lusika lwa Keleke ya Smurna yene inzi kukala ka A.D. 170 kuisa ka A.D. 312. Mi kasamulaho kwa tatami Lusika lwa Keleke ya Pergamosi, mi Lusika lwa Keleke ya Pergamosi lwa kalisa ka 312 ni kuina ku yo fita ka A.D. 606. Mi kwa taha Lusika lwa Keleke ya Tiyatira, mi lusika lwa keleke ya Tiyatira lwa kala ka 606 ku yo punya ka 1520, Masika a Lififi. Mi kona kutaha Lusika lwa Keleke ya Sardis ku kala ka 1520 kuisa ka 1750, lusika lwa ba Lutheran. Mi kuzwa ka 1750, lusika lo lutatama lo ne lutile neli lwa Filadelfia, lusika lwa Wesley; lo ne lu kalile ka 1750 ni kuina kufita ka 1906. Mi ka 1906 Lusika lwa Keleke ya Laodesia lwa kala, mi ha Ni zibi fo luka felela, kono Ni akaleza kuli lu ka fela ka silimo sa 1977. Na akaleza, ha ki Mulena ya ni bulelezi, kono Na akaleza kuya ka pono yene ni bonisizwe lilimo za kwa mulaho, kuli, lika ze ketalizoho mwahala zona (mwahala ze sebene) li ezahalalile kale.

⁴⁷ Mwendu . . . Ki ba bakai ba bahupula pono yani, mwa keleke? Luli. Ne ibulezi kuli, mane ni yena Kennedy u ka ketiwa mwa liketisa le. Kuli mane basali ba ka lumelezwa kubota. Kuli mane ni yena Roosevelt uka kenya lifasi mwa ndwa. Kuli mane Mussolini u ka ya kwa Ethiopia, tasezo ya hae yapili, mi uka ihapa; ani kona akaba mafelelezo, uka shwa kasamulaho wa fani. Kuli mane tutengo twa milao tu ka taha mi kaufela tu kenyiwe mwa Swalisano; Hitlerism, ni Mussolini, ni Co . . . Nazism, ni zeñwi cwalo, kaufela zona li ka kena mwa Swalisano. Mi myaha ye ilebene kwa mulaho nyana, ibulela kuli “Luna ni kulwana ni Germany, mi Germany ika tiiswa mwa makwakwa a tiile,” a Maginot Line. Ne ku ezahalile fela ona cwalo. Abulela cwale, kasamulaho wa fani, kuli na ka taha fa sibaka sa kuli . . . ku ka ezahala kuli sayansi ika ekezeha hahulu kufitela ha ba ka panga mota, limota li ka ba inge “lii” ka nako kaufela. Mi pono yani ne i bulezwi ona kwanu fo ku yemi puteho ya ba Church of Christ cwale, kwa Mes- . . . ndu ya lindiala. Charlie Kern, mwendi mwa muyaho wo busihu bo, na pila mwa sibaka sani ka nako yani. Kakusasana o muñwi la Sunda mwendi ka sebene kiloko za ezahala. Mi Wa li, “Mi ne ku ka ezahala kuli ba ka panga mota ye ba si ke ba tokwa mukoboco ku yona, ika zamaiswa ka mata amañwi cwalo.” Bana ni yona cwale. Bana ni

yona cwale, mwa mata a magesi, ina kazamiswa ka mata asili. Mane habana . . . ku supa fela masupeza nzila a mina ko mu ya, si lwala wena kasibili, ha ba lukeli ku ikoboca.

⁴⁸ Cwale, mi ibulezi mwateni kuli, “Ka nako yani, ku kaba musali yomutuna ya ka taha mwa United States.” Mi na apezi zende mi yomunde, kono na na ni situhu mwa pilu. Mi Na kena mwa ziyezi ka za pono, niheba pampili ya mubala wa bu ñanda talukeke, ili, “mwendi ki ba keleke ya Katolika.” Mi basali ha ba ka lumelezwa kuketa ba ka tusa kwa kuketa mutu ya fosahalile mwa naha. Mi ona seo kona se ba ezize. Kiniti. Cwale, ili, “Zeo ikaba kwa makalelo.”

⁴⁹ Cwale nto yeñwi yebulezwi, ki ya kuli. . . Mi kapili kasumulaho wa seo, Ne ni boni naha ye haiba inge sileze se si telela, ne i kashelizwe fela mwa liembaemba. Cwale, haiba lika zeo li ezahalile, kona kuli ni se kona mo si ka ezahalela. Lu kwa . . . Kona libaka le Ni bezi mo busihu bo ka kulika kutisa taba ye ni kuibeya mwa sicaba sa mwa Jeffersonville, kakuli Ni itukisa kukena mwa masimu a musebezi wa mubuso cwanoñu fa hape, mi ha ni zibi kuli ki nako mañi ye Ni kona ku biziwa kamba ku ngiwa. Ni—Ni. . . ha lu zibi zeo. Mi Ni bata kuba ya ziba hande kuli Ni. . . keleke ha izibe hola ye ipila ku yona, kakuli Mulimu Yamata kaufela uka ni atulela zona.

⁵⁰ Cwale—cwale, yeñwi ni yeñwi ya likeleke zee, kuya ka Mañolo foo, nekuna ni lingeloi. Mi lingeloi neli na . . . Ki ba bakai baba ziba seo *lingeloi* litalusa? Ki “mulumiwa,” mulumiwa. Mi nekuna—nekuna ni *mangeloi a sebene* kwa likeleke ze sebene, ne ni talusa “balumiwa ba sebene.” Cwale, mi nekuna ni linaleli mwa lizoho la Hae. Mi mwa lizoho la Hae ze—ze twelufu. . . linaleli ze sebene ze monyeha Liseli la Pata ya Hae mwa lizazi le lififi le lupila ku lona. Sina linaleli halinze li monyeha mwa lifasi, ku lieza liseli kuli luzamaye mwateni, ni ku kona kuzamaya ka nako ya busihu.

⁵¹ Cwale lu fumana kuli, kuli ka yona nako ye, kuli leliñwi ni leliñwi la mangeloi ani nana ni situlo ni sibaka. Mi, mizwale, busihu boo ha lu li utwi, kakuli lu ziba kuli lingeloi le la keleke ya pili, kono ikaba nto ya kunutu mi ye kanya ye lu ka fumana ni kuhoha mwa litaba za kale, fapila mina, mangeloi a likeleke zeñwi zani. Lingeloi la keleke yapili neli Muhalalehi Paulusi, ki yena ya na li kalisize, mulumiwa wa Mulimu. Lingeloi la keleke ya Efese neli Muhalalehi Paulusi. Keleke . . . Cwale, libaka le Ni. . .

⁵² Cwale, zeñwi ze mwakona kupalelwa ku lumelelana ni zona, kono Ni inelezi ku zona ka mazazi ni mazazi a mañata mwatasi susumezo kufitela Ni utwa kuli Moya o Kenile wa ni kena ni ku ni toza bakeñisa zona. Ki kabakaleo ha Ni ziba. Ni kubona baana baba ketilwe, haiba u mutu wa litaba za kale, baka . . . Ona baana ba baswana bao Ni nani faa, ni kuziba ka sinulo kuli neli bona

mangeloi a kwa keleke, nebana ni bulumiwa bo buswana bo ne banani bani kwa simuluhó. Ni kuli ki bulumiwa bo bu sa cinci, buna ni kuina ka pentekota ka mukwa kaufela.

⁵³ Cwale, baituti ba litaba za kale ba ka palelwa kulumelelana ni na ka muuna yoo; kono kwa keleke ya Smurna, Irenaeus ki yena ye Ni ziba yanali lingeloi la lizazi lani. Polycarp, buñata bwa mina mu ka bulela kuli neli Polycarp, nitaluse, mu ka bulela kuli ne li yena. Kono Polycarp na yendamezi hahulu kwa katengo ni kopano ya Katolika, kutaha kwa bulapeli. Kono Irenaeus nali yena muuna ya na bulezi ka malimi, mi nana ni mata a Mulimu, mi lisupo za mu latelela. Na li yena Liseli la lingeloi la Mulimu, mi a hoha Liseli lene li zwile ku Polycarp yana kokotezwi kamba ku bulaiwa, abulaiwa, mi Irenaeus neli alimuñwi wa bana ba sikolo ba hae, mi Polycarp neli mwana sikolo wa Muhalalehi Paulusi. . . kamba Muhalalehi Joani. Mi he Irenaeus anga sibaka sa hae, mi atisa Liseli.

⁵⁴ Mi lingeloi la Liseli la—la Pergamosi neli Muhalalehi yomutuna Martin. Ha ni lumeli kuli nekuna ni muuna yomutuna yakile apila mwa lifasi, kwanda Jesu Krete, kufita Muhalalehi Martin. Mata? Ba bulai ba mu tahela ku to mu puma toho (na lumela mwa lisupo ni limakazo, ni mwa Mbuyoti ya Pentekota), mi ha ba bata cwalo, ne ba ka mu bulaya, a beya waci ya hae kwa mulaho ni ku namulula mulala wa hae ku bona. Mi cwale mubulai a comola mukwale kuli apume kwateni toho ya hae, mata a Mulimu amu kasheza kwa mulaho wa hae, mi a hohoba ka mañwele a hae kuli a mu buze. . . ? . . . Amen. Nali yena lingeloi kwa keleke.

⁵⁵ Lika zeñwi. Mu talimele mo lika zeo. . . Alimuñwi wa bana bahabo yena na tamelezwi mwa mulala, nali mwa musipili wa ku yo mu bata, ku yo bona se ne singile sibaka. Mi ha yo fita fani, ne ba se ba mu pahekile kale. Na beilwe inge a otolohile, inge a shwile, mi meto a hae na lutukezi fande kuzwa mwa toho. Na ile ku yena mi a yo wela fafasi ka mañwele mi a lubala fa mubili wa hae ka nako yelikana hola, inza lumba Mulimu. Mi mata a Mulimu ataha fahalimwa muuna yani mi a zuha a yema, a mu swala kwa lizoho ni ku zamaya ni yena ona kwani. Zeo ki litaba za kale, kuswana fela ni George Washington, Abraham Lincoln, kamba sikamañi kaufela. Ki litaba za kale.

⁵⁶ Eeni, sha! Muhalalehi Martin neli yena lingeloi la keleke ya Pergamosi, ili, keleke ya linyalo ye ba isa mwa Bukatolika kasamulaho wa fani.

⁵⁷ Lingeloi la keleke ya—ya Tiyatira neli Columba.

⁵⁸ Lingeloi la keleke ya Sardis, keleke ye shwile. . . Linzwi la kuli *Sardis* litalusa “kushwa.” Ba taha ni libizo, isiñi la Libizo la Hae, “Kono una ni libizo la kuli wa pila, kono u shwile.” Mu talimele mo ne ba tiselize kolobezo mwa lizazi lani. Mwabona,

ba zwa ku zona. Lingeloi la keleke ya Sardis neli Martin Luther, muongaongi wa pili.

59 Lingeloi la keleke ya Filadelfia neli John Wesley, yena mulumiwa.

60 Mi lingeloi la kwa keleke ya—ya Laodisea ha li si ka zibahala kale. Li ka zibahala ka zazi leliñwi, kono mwendi likaba . . . mwa lifasi. “Yana ni lizebe. . .” [Hakuna manzwi fa tepu—Mu.] . . . a zibe lusika lo lupila ku lona. Mulimu uka atula cwalo.

61 Cwale, mulemuhe cwale, mi lu ka fita cwale mwa Mañolo, ku kutela kwa lusika lwa keleke yapili. Cwale Ni tabela kuli . . . Nina ni lika nyana ze ñozwi kulo fa ze Ni tabela kuli mu liutwe hande ka tokomelo.

62 Keleke ya pili, keleke ya Maefese, misebezi ya keleke, sa na ba nyazelize Mulimu ka sona, neli misebezi ya lilato. Mupuzo wa bona neli Kota ya Bupilo.

63 Keleke ya Smurna neli keleke ye ne nyandisizwe, ya fita mwa matata. Mipuzo ya likuwani za Bupilo.

64 Keleke ya bulalu, Pergamosi, lusika lwa tuto ya bupumi, buhata bwa Satani, ni mutomo wa mulao wa bupopu, kunyalwa kwa keleke ni kwa naha. Mupuzo wa bona neli manna ye ne patilwe ni licwe le lisweu.

65 Keleke ya Tiyatira neli keleke ya bupumi bwa bu popu, Masika a Lififi. Mupuzo neli mata ni puso ya linaha, ni Naleli ya Kakusana. Bani ki ba balikani bene ba fitile mwatani.

66 Keleke ya Sardis neli lusika lwa kuongaonga, muhasanyi yomutuna . . . kamba isiñi muhasanyi wa linzwi, kono mabizo a patilwe, nebana ni mabizo a bona. Mi mupuzo neli sapalo se si sweu, ni libizo mwa Buka ya Bupilo (babana ni kutaha mwa katulo). Ne lubile ni zeo zazi leliñwi, za Buka ya Bupilo; muna ni ku atulwa ka Buka ya Bupilo. Ba bakenile ba shimbiwa kusina sani, ha ba lukeli kuezwa cwalo.

67 Lusika lwa Keleke ya Filadelfia neli lusika lwa lilato la sizwale, lusika lwa tumo yetuna ni lusika lwa kuhasanya kwa linzwi, munyako o kwaluhile. Mi mupuzo ne li si—si siita. Kupatulula kwa mabizo a Mulimu ne ku lukela kuba ka—ka lona lusika loo, ha ne lu kalile ka 1906. Ku lukile.

68 Lusika lwa Laodesia neli keleke ya sihalihali, bufumu, kuatelwa ki lika, kusina kutokwa sika; kono ne lu zielehile, kusheba, bubofu, ni kunyanda, ni mapunu. Mi mupuzo neli kuina fa Lubona ni Mulena, be ne ba ka koma lusika lwani.

69 Cwale ka kushetumuna fafasi, busihu boo, ku mi bonisa nyana ka za sebelezo busihu boo, lu ka nga kauhanyo ya 2, lusika lwa keleke ya pili. Cwale lu ka . . .

U patuluzwi mi lwa ziba yo ali Yena, Ki Mulimu!

70 Cwale, lusika lwa keleke ne lu kalezi sina ha Ni bulezi, mwahala silimo sa 53, kuisa 170. Mi (a) muleneñi wa Efese, ulimuñwi wa mileneñi yemituna ya Asia; hañata u bizwa kuli muleneñi wa tumelo ya Bukreste (pili neli Jerusalema; wa buleli, Antioke; ni wa bulalu, Efese) . . . (c) muleneñi wa litekisano zetuna ni masheleñi . . . (e) muuso neli wa Siroma . . . (f) mushobo neli Sigerike. Bañoli ba litaba za kale balumela kuli Joani, Maria, Pitrosi, Andreasi, ni Filipi ne ba pumbekezwi ona kwani kaufela bona. Mi Efese no zibahala ka bunde bwa ona.

71 Bukreste kwa Efese kona ko ne ba pila Majuda, kwa Efese. Mi no kalisize mwahala A.D. 53 kamba 55. Bukreste ne bu kalezi kwani ka Muhalalehi Paulusi. Kasamulaho, Muhalalehi Paulusi a yo ina lilimo zetaalu mwa Efese. Tuto ya Paulusi neina ni susumezo yetuna kwa balumeli ba mwa Efese. Yatatama, Timotea neli bishopu wa pili kwa keleke ya Efese. Paulusi na ñolezi kwa keleke ya Efese. Mwa linako za Paulusi neli keleke yetuna.

72 Efese italusa . . . lona libizo luli la *Efese* litalusa “kuitulela, kuikatulusa, kuwa mwa tumelo.” Kubizwa ki Mulimu, “Keleke ye wile mwa tumelo.” Mulimu—Mulimu na lemuhile pili misebezi ya bona, buikatazo bwa bona, ni tibeledo ya bona. Mulimu a kalimela bupilo bwa bona, ka kusiya lilato la bona la pili, kwa kuwa mwa tumelo, ni ka ku sa ba ni Liseli cwale. Efese ne si keleke ye pumilwe, ne ipalezwi yona iñi ka ku sa zwelapili mwa lilato le li petehile.

73 Kusufazo ya Efese: Miselo, yesina lilato, yaisa kwa kukwenuhela tumelo. Lisepiso: Paradaisi ye sepisizwe ku mukomi, ku ba bakenile ba mwa lusika lwa keleke ya Efese, kufiwa Kota ya Bupilo.

74 Ki ye fa nto yende. Kota ya Bupulo ibulezwi linako zetaalu mwa Genese, linako zetaalu mwa Sinulo. Nako yapili ha ne li bulezwi mwa—mwa Genese, neli mwa Edeni, mi Kreste neli yena Kota. Linako zetaalu ne li bulezwi mwa Sinulo, neli Kreste mwa Paradaisi. Oh, zeo li munati. Mulena a fuyolwe.

75 Cwale lu kalela mwa kauhanyo ya 1 mwa Efese . . . kamba timana yapili ya kauhanyo ya 2, keleke ya ma Efese:

Uñolele lingeloi la keleke ya Efese kuli; Ki ze za bulela ya sweli linaleli ze sebene mwa lizoho la hae la silyo, ya zamaya mwahala malambi a sebene;

76 Joani ki—ki mulumiwa ka nako yani. Inge azamaya mwahala malambi a sebene a gauda neli Jesu Kreste, yena Mulimu Yamata kaufela. Ki sikamañi Sa eza? Na si ka bulela kuli Na zamaya fa lambi *iliñwi*, Na sweli kuzamaya mwahala zona kaufela. Seo si talusa sikamañi? Kuli Ki Mulimu ya swana, maabani, kacenu, ni kuyakuile, mi mwa keleke ifi kaufela ku mulumeli kaufela. U taha kwa . . . kusina Moya o Kenile kwa lusika kaufela ni ku mutu ufi kaufela; ya swana maabani, kacenu, ni kuyakuile.

77 “Na sweli mwa lizoho la Hae la silyo.” *Lizoho la silyo* li talusa “bulena ni mata” a Hae. Inza sweli mwa lizoho la Hae la silyo (mwatasi, baba zamiswa) balumiwa ba sebene kwa masika a likeleke ze sebene. Oh, Na lata cwalo. Mwa Mu bona ha zamaya mwahala masika a likeleke aa, ki Kreste, ya itibahaza ili Yena kwa sicaba sa Hae mwahala Masika a Lififi ani, ku yo shetumuka mwa lusika ni lusika; ka nako yeo keleke hane isa batile ni ku ñala, mi babañwi ba ya kusili mi babañwi baya kusili, kono sikwata nyana sani sa keleke ne si sa swalelezi, mi Kreste a beleka ni bona, inza bonisa Linzwi la Hae; ku Li pikulusa hande mwahala bona.

78 Ku bunolo hahalu kubona ze luna ni kacenu, ha mi kala kubala lika ze. Cwale, kwanu kwa simuluho. . . Ni lumela kuli kaufela mina mwabona fahalimu fa. [Muzwale Branham u bonisa fa limati lelinsu—Mu.] Ki lo fa lusika lolumu lwa keleke, yani ki Pentekota. Lusika lwa keleke ya bubeli, yabulalu, yabune, yabuketalizoho, yabusilezi, lusika lwa keleke ya busupa. Cwale haiba mu ka lemuhu taba ye ka tokomelo hande, Keleke ne ikalile fa Pentekota. Ki ba bakai baba lumela cwalo? Mwa bona ze ne ezahalile kwa Pentekota? Mi lu bona keleke hainze iya ishetumuka cwalo. I kala fela kutima hanyinyani hanyinyani, kuya fahule nyana, kuya fahule nyana; ka bunyinyani, ifitile fafasi luli sina *cwalo* Keleke ya niti mo itimezi.

79 Cwale, Kreste. . . hakuna taba kamba Keleke ki yenyinyani cwani, “Kaufela ko ku kopani bababeli kamba ba balalu hamoho mwa Libizo la Ka, Ni kaba mwahala bona.” Ha ba kopani hamoho mwa sikamañi? Mwa libizo la Methodist? Libizo la Baptist? Libizo la Pentekota? Libizo la Jesu! Kaufela ko kuna ni bababeli kamba ba balalu baba kopani hamoho, hakuna taba kamba ki ye nyinyani cwani. Mi ba ka ba ba banyinyani hahulu mwa mazazi a maungulo kufitela, ha Na ize, Uka lukela kutaha kapili kuli a pumele musebezi fahali ku si cwalo hakuna nama ye ka ya mwa Kuungelwa. “Kaufela fo ku kopanezi bababeli kamba babalalu mwa Libizo la Ka!”

80 Cwale, muhuwo wa pili, ki baapositola. Cwale, lu bona kuli a ki makalelo, Pentekota. U sweli kuzamaya kwa ni kwa, yena Mulimu yomutuna yaswana, zona lisupo zetuna ne li lukela kunga sibaka mwahala masika a kaufela kakuli Na zamaile mwahala lusika. Ku fuyola sikamañi? Sicaba sa Hae se si kopani hamoho mwa Libizo la Hae.

81 Ni bata kuli mutalimele mwahali mo halusweli kufita mwa keleke. Keleke *ye* neina ni Libizo la Jesu. Keleke *ye* neina ni Libizo la Jesu. Keleke *ye* neina ni Libizo la Jesu. Mi keleke ya Li latehisa. Keleke *ye* ya zwa, mwa lusika *lo* lwa ba Lutheran, ni “libizo la kuli mwa pila, kono mu shwile.” Ni ku shetumuka cwalo kupunya kwa mafelelezo a lusika *loo*; mi mwahala lusika *loo* kuna ni munyako o kwaluhile o tomilwe o kutiseza Libizo lani hape mwa keleke. Cwale mutalime mi mubone haiba yeo ki

Niti, kasamulaho lu italima mwa Mañolo moo. Mwahali mwani mwa—mwa masika.

⁸² Cwale, kamuso busihu Ni ka lika kupahamisa sika se fa kuli kaufela lukone kubona. Mi Ni ka taha mwendi kamuso musihali ku to swanisa. . . zeñwi za—za milelo ye Ni bata kubulela ku mina zatani. Mi haiba ufi wa mina kaufela muna ni litaba za kale, mutahe ni zona. Kamba mubone zemukona kuñola mi muye mwa libulukelo la libuka kamba sibaka sisili mu yo bata litaba za kale, mi mubale mubone haiba taba ye ki ya niti.

⁸³ Cwale timana ya 1. Ki sikamañi Sa eza? U sweli ku ba lumelisa.

Kwa—kwa lingeloi la keleke ya Efese . . . (ku Joani) uñole; Lika za bulela ya sweli linaledi ze sebene mwa lizoho la hae la bulyo, ya zamaya mwahala malambi a sebene a gauda; (ki tumeliso)

⁸⁴ Cwale timana ya 2 ni timana ya 3, Wa ba lumba:

Ni ziba misebezi ya hao, ni ku ikataza kwa hao, ni tibeledi ya hao, . . . kuli mane ha u yemeli ba ba maswe: mi u ba likile baba ipiza ba apositola, mi ha ba cwalo, kono u ba fumani kuli ki mahata:

⁸⁵ Mwabona, bukwenuheli bwani ne se bu kalile kale, mwa lusika lwa pili loo. Ne se li kalile kale kwani; kakuli muketwa n Keleke ya niti ne ba bata kubuluka milao ya Bibeke, ni kubuluka Manzwi ana bulezi Jesu mwa bupaki bwa Hae, ne se ba kalile kale ku kwenuha. Sesiñwi sa kala kuezahala, mi nekuna ni baluti ba buhata bene ba tile, batu be ne ba luta ka mafosisa, kushutana ni Mañolo, kuli kukenya sika sesiñwi kamba kueleza sika kwateni.

⁸⁶ Ki kabakaleo ha Na file sinulo ye kwa keleke ni kubulela kuli, “Kaufela ya ka zwiwa kwateni kamba kueleza kwateni, siemba sa hao si ka zwiwa mwa Buka ya Bupilo.” Kona cwalo, kulateha, muzwale! Fela musike mwa lubaluba Linzwi la Mulimu! Fela hakuna taba kamba Li holofaza mañi kamba Li holofaza sikamañi, ba Li bulela fela ona cwalo. Ona mo Li ñolezwi fela mwateni, kona ona cwalo. Ha lu tokwi nto ifi yetuna kaufela, ha lu tokwi muprisita ufi kaufela kuli a lu tolokele Lona, Mulimu yena Moya o Kenile ki yena mutoloki. U fa toloko.

⁸⁷ Cwale, haiba mu lemuha, kuzwa ku ze maswe ni kufumana baplofita ba buhata, kasamulaho wa fani ba fumanwa kuli ki mahata, inge bana ni fela mubonahalelo wa bulapeli. Mwabona keleke mo ne ikalezi kubela ya sihalihali ka nako yani? Ba kala kueza mikwa ya kuikaba mwahala sicaba mwatasi susumezo ya Moya o Kenile, kukala kueza sicaba ku ba seha.

⁸⁸ Kihande, kana Jesu na si ka bulela kuli, “Mbuyoti ki ya mina ha mu nyandiswa kabakala kuluka”? Na si ka bulela ka za kukala kuba wa sihalihali. Na ize, “Mutabe, mi mu nyakalale

hahulu, kakuli ki mo ba nyandiselize baplofita babane baliteni ku mina pili.” Na bulezi kuli, neli mwa limbuyoti, mwa Mateu 5, “Mbuyoti ki ya mina!” Kiñi, hamuna ni batu ba ba mi seha kakuli mu lata Mulena Jesu, ki mbuyoti ha ba li bulela fela. Fela bona. . . Ha ba mi lwaha, ba mi tulukiseza limbuyoti za Mulimu fahalimwa mina. Za ba kutela, sina mo ne li ezelize ku Balami ka nako yani. Ne—ne li kutile ku bona. Ha ba lika ku mi bona bukuba ha mu li Bakreste, kupalañi, za kutela ku bona, mi Mulimu ufa mbuyoti, kakuli, “Mbuyoti ki ya mina ha ba ka mi nyandisa ka Libizo la Ka.” Ka bakala Libizo la Hae, “Mu fuyozwi!”

⁸⁹ Cwale lu fumana cwana kuli ne ba bata kukalisa ni ku kena mwa mufuta wa bulapeli.

⁹⁰ Cwale, Na kona kuyemela ona fa ni kubulela nto yeñwi, ni lumela kuli Ni ka bulela. Kana mu lemuhile kuli ancafazo ifi ni ifi kaufela. . . Cwale, mizwale ba bakutazi, mu batisise taba ye. Ancafazo ifi kaufela itisanga mambile, inge fela Jakobo ni Rebekah mo ne ba pepezi mambile: Esau ni Jakobo. Ni talusa Isaka mwa sibaka sa. . . Isaka ni Rebekah, mwa sibaka sa Jakobo. Isaka ni Rebekah ne ba pepile mambile. Ndata bona nali ya kenile, maa bona nali ya kenile, kono ne bana ni bashimani bababeli bene bapepilwe: Esau ni Jakobo.

⁹¹ Cwale, bubeli bwa bona neli ba bulapeli. Kono Esau, ha li taha kwa misebezi ni likezo, ka kuba mutu yomunde wa za milao, nali mushimani yomunde, mwa mikwa kaufela, kufita Jakobo mwa na bezi. Kana mwa ziba cwalo? Jakobo nali fela mushimani yomunyinyani yana fumanehanga fela ni bo mahe nako kaufela. Kono Esau a zwela kwande mi a beleka, azwela kwande mi a nga nama kuli aife ndatahe wa sibofu yanali mupolofita, a lika ku mu babalela. Kono Jakobo nanani fela nto iliñwi mwa munahano wa hae, na bata tukelo ya kupepwa yani! Na sa bilaeli kuli na ka nga nako yekuma kai kufumaneha fakaufi ni sa na ka eza, nto ya butokwa mwa bupilo bwa hae neli tukelo ya kupepwa! Mi Esau na ikeshibisa.

⁹² Cwale ha mu boni mutu wa nama—mutu wa nama? Ha ku taha ancafazo, kuna ni likwata zepeli za batu baba zwanga mwa ancafazo ifi kaufela. Kuna ni mutu wa nama ya zamaya, mi uka taha kwa katala ni kubulela kuli, “Eeni, sha, Ni amuhela Kreste kuba Mupulusi wa ka.” U ka zwela kwande, mi ki sikamañi sa eza? Nto yapili mwa ziba, u ka felela mwa kubatelwa kokuñwi ko kunde, keleke ya sihalihali, kakuli u nahana kuli, “Kihande, haiba Ni ikopanya kwa keleke, Ni swana fela ni mutu usili fela. Hanili Ni swana fela ni ngete wa *Kuli-ni-kuli*? Ki shutano mañi yeliteni haibile fela Ni wa siemba sa keleke mi ni fa buipuleli bwa ka?” Kiñi, ki shutano yetuna hahulu. U lukela ku pepwa sinca. U lukela kuba ni tukelo ya sipepo.

⁹³ Mi Jakobo na si ka tokomela mwa na sehelwa. Na bata ona tukelo ya sipepo yani, mi na si ka tokomela mwa na ka ikungela bona.

⁹⁴ Cwale, batu ba bañata ha ba lati kuba ni tukelo ya sipepo kakuli ba nahana kuli ki nto yenyinyani fela Ye sa zibahali. Ha ba lati kutaha kwa katala ku to lila neba hanyinyani, kamba kuina a sa ci lico nyana, ni—ni sesiñwi se si cwalo. Haba—haba—haba—haba lati kueza cwalo. Buñata bwa basali. . . buñata bwa, mwa ziba, mani- . . . mipende kwa lifateho, ba nahana kuli ha ba lila ba ka li tapisa kwateni, ba ka li penta hape. Kiñi, baka. . . ki. . . Mi ha Ni talusi kubulela kuli ki kashwau, Ni sepa kuli ha li utwahali kuba cwalo, kono yeo kona niti. Fela ha ba Li tabeli. Ha ba lati Kupepwa Sinca, kakuli Kupepwa Sinca ku swana ni busafa. Kuswana sina kupepwa kufi kaufela. Kupepwa kaufela ki busafa, Ha nina taba kamba ki kai. Haiba ki mwa mulaka wa likulube kamba sishete, kamba ki mwa muzuzu wa mubala wa pinki, o kabisizwe hande wa sipatela, ki busafa.

⁹⁵ Mi ni Kupepwa Sinca kona mo kubezi ki busafa! Amen. Ku ka kuezisa lika zo sa nahani kuli ne u ka lieza; u ka yema fa manganandila ni kuliza kambuli, kamba kuopela, “Kanya ku Mulimu! Haleluya! Kulumbwe Mulimu! Kanya ku Mulimu!” Kiñi, u ka eza likezo za silyangu. Kona mo ne li ezelize kwa ba apositola, kona mo ne li ezelize ku Maria wa mwalyanjo, na ezize inge ya kozwi. Na li busafa mwa silalanda, kono si lwala busafa kuli butahe bupilo mwateni. Amen!

⁹⁶ Haiba sika ha si shwi ni kubola, bupilo habukoni kuzwa ku sona. Kwanda kuli mutu a shwe ni kubola mwa minahano ya hae, Kreste hakoni kukena mwa pilu ya hae. Ha ulika kunahana kuli u sika, “Cwale, ha ne Ni ka fita kwa katala ni kubulela kuli, ‘Ehe, Mulena, Ni—Ni mutu yomunde, Ni ka Ku nga. Ni ka lifanga zabolishumi za ka. Ni ka eza sa kuli,’” u lukela kushwa ni kubola mwa minahano ya hao. U lumeleze Moya o Kenile kunga sibaka mi aeze fela kaufela Za bata kueza ni wena. U kene mwa mukwa wa busafa ka zona. Seo si utwahala kusabisa, isiñi kashwau, kono ki Niti. Kona nzila inosi fela ye Ni ziba mwa ku kenyeza lika kuli mukone ku Li utwisisa.

⁹⁷ Ki sikamañi sene si ka likana ni busafa kufita sikwata sa Majuda ba mayemo amatuna ba lizazi lani, kufita kubona sicaba se inge si taha ni malimi a sikukuma? Mwa ziba kuli sikukuma ki sikamañi? Huh, huh, uh, uh, uh, uh. . . ? . . . Malimi asili, ni kueza inge batu ba bakozwi. [Muzwale Branham u likanyisa mutu ya kozwi mwa ezezanga.] Huh, huh, uh, uh, uh, uh. Ona cwalo kona mo ne ba ezeza. Ne ba bonahalile busafa feela!

⁹⁸ Mi ki hali, “Kana baana ba kaufela bakozwi veine yenca?”

Kono kasamulaho wa kuba inge ya takana, a bulela kuli, “Taba ye izibahale ku mina, mi mu utwe kwa manzwi aka, ba ha ba si ka kolwa sina mo mu hupulela.” Kono a kuta mwa mulaho

kwa Mañolo, “Se kona sene si bulezwi ki mupolofita Joele kuli, ‘Ku ka to ezahala mwa mazazi a amaungulo,’ kubulela Mulimu, ‘Ni ka sulula Moya wa Ka fahalimwa libupwiwa kaufela.’”

⁹⁹ Cwalo kona Keleke mo ne ipepezwi pili. Ki ba bakai ba balumela kuli Mulimu hana mafelelezo? Kona kuli Hakoni ku cinca. Mi haiba wani neli mulelo wa Hae wa Keleke kwa simuluho, ona yeo kona Keleke ya mufuta o swana Ya kaba ni yona kwa mafelelezo. Ha koni ku cinca. Kona kuli mu ca yolisa cwani ka za kuswalana mwa lizoho, kamba kufafaleza, kamba—kamba nto yeñwi cwalo ye ne si ka ezahala kwa mulaho kwani? Ufi ni ufi wa ba apositola ne ba kutezi ku zona zeo.

¹⁰⁰ Ha se ba ezize zeo kaufela. . . Moya o Kenile no so ba wezi, Pitrosi ali, “Kana lu ka hanisa mezi, ka kubona kuli ba ba amuhezi Moya o Kenile sina mo lu u amuhele kwa makalelo?” Mi a ba laela kuli ba kolobezwe ka Libizo la Mulena Jesu. Yeo ki niti.

¹⁰¹ Paulusi naile kwateni mi afumana batu inge ba huwa, inge ba tabile hahulu, sikwata sa ba Baptist sa lumba Mulimu, mi ki hali, Likezo 19, ki hali, “Kana mu amuhezi Moya o Kenile nako ye mu lumela?”

Se bali, “Ha lu zibi kuli kuna ni Moya o Kenile kamba nee.”

Ali, “Ne mu kolobelizwe cwani?”

Se bali, “Lu kolobelizwe ka muuna ya swana yana kolobelize Jesu, Joani Mukolobezi.”

¹⁰² Mi ali, “Eehe, halina kubeleka ni kamuta.” Mwabona? Pitrosi na sa swaile kale ka Lizazi la Pentekota. Nana ni sinotolo. Mwabona?

Ali, “Halina kubeleka hape ni kamuta, muna ni ku kolobezwa sinca hape.” Kacwalo a ba kolobezwa sinca hape, ka Libizo la Mulena Jesu Krete. A ba beya mazoho, mi ba amuhela linepo za mufuta o swana ze ne ba amuhezi kwa simuluho. Moya o Kenile wa wela ku bona, ba kala kubulela ka malimi ni kupolofita.

¹⁰³ Cwale, kona mo ibezi Keleke cwalo mwahala masika. Cwale, ne ikalezi ona kwani simuluho.

“Ni ziba tibeleso ya hao. Pilutelele ya hao, Na ziba cwalo. . . Cwale hupula, Kina Ya zamaya mwahala malambi. Ni ziba tibeleso ya hao, ni misebezi ya hao, ni kuikataza kwa hao, ni lilato la hao, ni zeñwi cwalo. Ni ziba kaufela zo ezize. Mi Ni ziba kuli u ba likile batu baba ipiza kuli ki ‘bapolofita, ba apositola,’ mi u fumani kuli ki mahata.” Oh, zeo linamile hande, nji cwani? Hanina mulatu wa zeo, ki Yena. U bulezi kuli neli mahata.

¹⁰⁴ Kono Bibeleso ibulezi kuli, “Mulike mutu. Haiba kuna ni yomuñwi mwahala mina yali wa moya kamba mupolofita, kamba uli ki mañi kaufela, Na Mulena ni ka itibahaza ili Na ku yena. Ni ka ambola ku yena mwa lipono, mi ni mwa litolo.

Mi haiba za bulela li to ezahala, kipeto mu mu utwe; musike mwa mu saba, mwabona, kakuli Ni na ni yena. Kono haiba ha li ezahali, kipeto mu si ke mwa mu utwa, haana Linzwi la Ka yoo.” Mwabona, haiba ki Linzwi la Hae, li ka ezahala.

105 Cwale, ba fumana kuli batu ba ne ba sa zamaeleli ni Bibe. Mwabona, ne ba lika kuba ni sika sesiñwi. (Ni bata kuli muapale likuwani za mina za kunahana cwale, fo lu ka fita ku zetibile mwa mizuzu yelikani fela.) Cwale, mi ki Hali, “Na bona se una. . . ni pilutelele, ni tibebelelo ni. . . hamoho ni bona. U ba likile, mi u fumani kuli ha ki ba apositola. Ha ba cwalo.”

106 Cwale, sina ha Ni bulezi kwa makalelo, lu si ka kala kale fa taba ye, ancafazo ifi kaufela itisanga mambile. Yomuñwi ki mutu wa moya; yomuñwi ki mutu wa lifasi, “Ni ikopanyize kwa keleke, Ni swana fela ni mutu usili kaufela.” Mi ona seo kona se itisize ancafazo yee. Kona ona cwalo, mwa ancafazo kaufela. Kona se ne ba tisize baha Luther, kona se ne ba tisize ba ha Irenaeus, kona se ne ba tisize ba ha Muhalalehi Martin, kona se ne ba tisize ba ha Columba, kona se ne ba tisize ba ha Wesley, mi kona se ne ba tisize ba Pentekota. Ona cwalo fela.

107 Mwabona mo se ba kenezi mwa peu? Ba yahile likeleke za bona, mi baile mwa pumulo, ni libaka zende mi zetuna mi (mawi, bunde!) ba yema mi bakutakela Tuto tumelo ya Baapositola. “Ni lumela mwa Keleke ye Kenile ya Roma, ni mwa kutwano ya ba bakeniel.” Mutu kaufela ya lumela mwa kutwano ya ba bakenile u lapela milimu. Kaufela se si ambola ni ze shwile ki sa diabolosi. Ona cwalo kona mo kuinezi luli. Luna ni muyemeli alimuñwi mwahala Mulimu ni mutu, yena muuna luli Jesu Krete. Yeo ki niti. Kona za na bulezi Pitrosi. Ni mina sicaba sesinde sa Katolia mu mu biza kuli “ki yena pope wa pili, mi Pitrosi ka kuba pope wa pili ya na zamaile ni Jesu.”

108 Mi cwale ki hali, “Hakuna muyemeli yomuñwi hape mwahala Mulimu ni mutu.” Mi baa, muna ni baba kuma fa teni sauzande babañwi kacenu. Kiñi ha li cincize hahulu cwalo, haiba keleke itiile mi ha icinci? Mi lisebelezo za mina kaufela li ezahalanga mwa si Latin kuli li si ke za cinca. Ki sikamañi se si ezahalile? Ki kai ko mu fumana Tuto ya tumelo ya Baapositola mwa Bibe? Haiba nji baapositola ne ba na ni tuto ifi kaufela, neli kuli “Mubake, mi mu kolobezwe mañi ni mañi wa mina ka Libizo la Jesu Krete kwa swalelo ya libi za mina.” Hakuna tuto isili hape ye Ni kile na utwa yene ba ziba kamba yene ba kutakutela.

109 Kono cwale ha li taha ku za “likeleke ze Kenile za Roma” mane ni lika zeñwi ze kaufela, ni za kuli “Mulimu Ndate Yamata kaufela ya sweli mahalimu ni lifasi,” bwani ki bukuba. Mwabona? Yeo ki niti. Ha li yo mwa Bibe. Hakuna nto ye cwalo mwa Mañolo. Ki tuto ya kuipangela fela ye ne ba ipangezi

fela. Kono ki . . . litapelo kaufela ni lika zeñwi ki za kupanga za fela-fela.

110 Lwa kona kubona kacenu kuli Baipanguli ba luna, ha lu fita kwanu, ne li zwile fela ku bona. Mi inge fela Billy Graham ha na bulezi la Sunda, “Batu ba bile hahulu mwa bumaswe kufitela ba hupula kuli ba kondisa kanti ba fosa.” Yeo ki niti. Ki yona niti. Ni tabile kuli Ni . . . Kakuli Ni ziba Billy Graham na amuhezi Moya o Kenile mwatasi George Jefferies kulo kwani, kono leliñwi la mazazi aa u ka zwa mwa lika zeo. Mulimu usweli kuitusisa yena cwale, kakuli wa kona ku nyunga mubuso wani wa na palelwa ku kena ku ona mutu ufi kaufela. Kono mwa kona kubona mukutalezo wa hae, kuli kuna ni sika mwa mulao wa ona, bakeñisa babañwi ba Baptist mo baba swalana mwa mazoho. Eeni, sha!

111 Cwale:

Ni ziba misebezi ya hao, . . . ni tibeledo ya hao, . . . kuli mane ha u koni ku . . .

112 Ha lu boneñi cwale, Ni na ni . . .

Ni ziba misebezi ya hao, ni kuikataza kwa hao, ni tibeledo ya hao, . . . kuli mane ha u yemeli ba bamaswe: mi u ba likile wa ba ba ipiza ba apositola, be isi bona, mi u ba fumani kuli ki mahata:

113 Na ba fumani kuli ki mahata. Ne ba zibile cwani zeo? Ne ba sa buleli kuya ka Linzwi.

114 Cwale, haiba mutu ubulela kuli “Bibele ye ibulela mwa Maheberu 13:8, ‘Jesu Krete, wa swana maabani, kacenu, ni kuyakuile,’” bona ne bali, “Ah, mazazi a limakazo a felile,” kipeto mutu yo ki lihata.

115 Haiba Bibele ibulezi kuli, “Mubake, mi mukolobezwe mañi ni mañi wa ku mina ka Libizo la Jesu Krete kuli mu swalelwe libi,” mi sibaka sifi kaufela mwa Bibele si bulela nto yeswana, mi mutu kaufela ya kile a kolobezwa mwa—mwa Bibele na kolobelizwe ka Libizo la Jesu Krete, mi u ba luma kuli ba yo kolobezwa, kufafalezwa, kamba nto yeñwi ye cwalo, mutu yoo shangwe ki lihata, u fumanwi kuba mupolofita wa buhata.

116 Ni sepa ha Ni holofazi maikuto, kono Ni . . . Muzwale, hamu—hamu koni koni ku shembashemba Se, seli nako, mutubule masila a kutina kwa mazoho mi muzwale Evangeli. Mwabona? Yeo kona Niti.

117 Cwale, mu ni bonise nto yeñwi ye shutana. Mu ni bonise koo mutu alimuñwi akile a kolobezwa ka nzila isili kufita ka Libizo la Jesu, mwabona, kwanda keleke ya Katolika. Kona kuli haiba u kolobelizwe ka nzila yeo, ha u yo mwa keleke ya Bakreste, u mwa keleke ya Katolika kakuli u kolobelizwe. Yona *Sunday Visitor* ya bona, ya katekiseza ibulela, za puzo yeli, “Kana kuna ni Muipanguli kaufela ya ka piliswa?” Ili, “Buñata bwa bona,

kakuli bana ni kolobezo ya luna ni lika zeñata ze cwalo.” Ili, “Ba ipapata ka za Bibeledi, mi Bibeledi ibulezi kuli ‘mukolobezo ka Libizo la Jesu Kreste,’ mi lu li zusa kwani ni kuli beya mwa ‘Ndate, Mwana, ni Moya o Kenile’ mi ba ikokobelize ku shetumuka ku zona.” Kiniti. Mwabona? Isiñi—isiñi . . . Ha ki—ha ki kolobezo ya Bukreste, ki kolobezo ya Katolika.

¹¹⁸ Kana mukile mwa ni utwa busihu bobuñwi, “Kana mukile mwa kolobezwa mwa kolobezo ya *Bukreste?*” Kolobezo ya *Bukreste*, Kreste, “Jesu Kreste,” isiñi mwa lilumbatina leliñwi.

¹¹⁹ Cwale, timana ya 3 cwale. Ku lukile, timana ya 2 ni ya 3. Cwale timana ya 3:

Mi u lwezi, mi una ni tibeledi, mi kabakala libizo laka u ikatalize, mi ha u si ka fokola.

¹²⁰ “Ka Libizo la Ka.” Kana mu lemuhile kuli nebana ni tibeledi? Kuikataleza sikamañi? Libizo la Hae. Mwabona Libizo leo ha li kumalela mwa keleke? Cwale amu talime, ha lu ka fita mwahala biki, kuli seo mane sa shwa ni kukena mwa libizo lisili. Mwabona? “*Nebana ni tibeledi, kuikataza, ni zeñwi cwalo, ni kabakala Libizo la Ka.*” U . . . Ne ba ikatalelize Libizo la Hae.

¹²¹ Kubeya Libizo la Jesu Kreste fahalimwa keleke ifi kaufela, fahalimwa sika sifi kaufela, ha li be lapili mwateni. “Seo kaufela . . .” Bibeledi ibulezi kuli, “Kaufela se mu eza mwa manzwi kamba mwa kezo, mueze lika kaufela ka Libizo la Jesu Kreste.” Kana ku cwalo? “Kaufela ze mu eza ka manzwi ni ka kezo.” Haiba u nyala, kunyala mutu; ha u sa koni, haiba kuna ni ku kakanya mwa linyalo la bona, usike wa ba nyalisa ni hanyinyani. Mwabona? Haiba ha ukoni kubulela ka ku lukuluha kuli, “Ni mi biza kuli muuna ni musala hae ka Libizo la Jesu Kreste,” ba tuhele baikela bao. Ku lukile. Haiba mu bata ku ba kolobezo, mu ba kolobezo ka Libizo la Jesu.

¹²² Haiba mubata kueza sika se mu sa koni kueza ka Libizo la Jesu, ha mu itobohe ku sona! Mutu yomuñwi naize, “U no nwanga tucwala nyana.” Ha ukoni kueza cwalo ka Libizo la Jesu, kona kuli itobohe zona! Yomuñwi naize, “Bapala makadi nyana.” Ha ukoni kueza cwalo ka Libizo la Jesu, kona kuli itobohe zona! Lisheha nyana, la masila, le li sehisa fa mukiti wa mutano, ha mukoni kubulela zeo ka Libizo la Jesu, kona kuli itobohe fela zona! Mwabona? Ha ukoni kutina tuputula ka Libizo la Jesu, kona kuli itobohe fela zona! Ne ni ka zwelapili ona cwalo, kono luna . . . mwa ziba ze Ni ambola. Ku lukile. Ha mukoni kueza cwalo. So sa koni kueza ka Libizo la Hae, si tuhele! Kakuli, Na ize, “Kaufela ze mueza ka manzwi kamba ka kezo, mueze kaufela ka Libizo la Jesu Kreste.” Ku lukile, cwale.

¹²³ Cwale lu ka ya kwa . . . Yeo kona . . . Na ba lumba ka zeo. Cwale Ni ka bulela ka za pilaelo cwale mwa kauhanyo ya 4 . . . kamba timana ya 4, nitaluse.

Nihakuli cwalo Nina ni se ni nyaza ku wena, kakuli u tuhezi lilato la hao la pili.

¹²⁴ Oh! “Nina ni se ni nyaza ku wena. U bile u libelezi, u kumalezi kwa Libizo la Ka.” Kana seo haikoni kuba nto yende mwa tabernakele ye kacenu? Eeni, sha! “U bile yomunde luli, mi ubile ni tibeledo yeñata luli, mane u itiisize fa nako yetelele, kono taba yateni ki kuli. . . U kumalezi kwa Libizo la Ka. Na itumela ka zeo kaufela. Na—Na mi lumba ka zeo, kaufela li iketile. Mi Ni boni kuli u ba likile baba ipiza kuli ki ba apositola ni zeñwi cwalo, mi ba fumanwi kuli ki mahata, ha ba lumelelani ni Linzwi. Na—Na itumela ka zeo kaufela. Kono kuna ni se Ni nyaza ku wena, mi taba ki kuli u tuhezi lilato la hao la makalelo. U siile lilato lani lo no banga ni lona la mikopano yeminde yani, ya kale, ya Moya o Kenile, mi ukalile ku tantalikela kwa mulaho kukena mwa sihalihali kwani, utile ni za kuli ‘Ndata luna. . .’ Bukuba! Mwabona?

¹²⁵ Ona katengo ka kaufela faa, mi mutu una ni kutaha ni lisila lelituna la apezi (mwa ziba, ku opela mwa kwaya, mwa ziba), ni kupenta milili ya bona kaufela ni lika kaufela, ni mipende yemiñata luli kwa lifateho za bona, mi ba opela sina ze Ni sa zibi.

¹²⁶ Kwanu ha ki kale hahulu, kambe ne si mukopano wa Oral Roberts, Ne ni ka zwise sicaba mwateni. Ne nili—Ne nili mwa mukopano wa Baana ba Pisinisi o no bezi kwa. . . ne lu sina. . . busihu bwani ne Ni ka kutaza. Ne ba si ka ba ni ona kwa hotela yani, ni ba ni isa kwa—kwa muyaho wa Oral Roberts. Mi hane Ni sa inzi mwa sibaka sa Oral mwa balelanga, nekuna ni bana ba bañata ba Pentekota (oh, mitangana ni likalibe, lishumi ni ze silezi, lishumi ni ze supa za kupepwa, lishumi ni ze ketalizoho kazetalu) kaufela inge ba yemi kwande kwani; mwendi baba mashumi amalala kama mashumi amane kuli ba opele ka—ka pina nyana. . . ne ba utwahalile kuna inge inge pina ye tambokisa mutu inge za bulelanga Becky, za Tchaikovsky kamba lika zeñwi ze cwalo zani; Ha ni zibi, lipina zeñwi ze cwalo zani, pina ya kale ye ipitezi. Mi ki ba nebali kwani, mizwale ne ba ya kwa kunga nubu mwa mukopano, mi mañi ni mañi wa bona aya ni inge ba sweli likomoki zetelele zani, ba eza inge kuli ne ba kozwi ni lishaha kaufela ni kuezani zeñwi kaufela ze mukile mwa utwa fateni, mwahala bashimani bani ni basizana, ni kubulela inge lika kaufela. Mi basizana bani inge ba ipentile mipende yeñata luli, mane ne se ba pentile muyaho wa Oral, bati. Mi kwani ne ba swana sina cwalo, inge ba ipiza kuli ki “Mapentekota.” Ne ba latehisize lilato la bona lapili!

¹²⁷ Na zamaelela hande ni David duPlessis, “Mulimu ha na baikulu.” Batili, sha! Luna ni baikulu ba Methodist. Luna ni baikulu ba Baptist. Luna ni baikulu ba Mapentekota. Kono Mulimu haana ni yomukana! Mina mu bana ba bashimani ni basizana. Ha ukoni kukena ka bomaho kamba bo ndataho kakuli nebali batu baana ba bande ni basali, una ni kulifa tifo yeswana

ye ne ba lifile. Una ni kupepwa sina mo ne ba pepezwi ni bona. Mulimu haana baikulu ni babakana. U mwana wa mushimani kamba wa musizana; kamba, ha u muikulu, yeo luli ki niti.

¹²⁸ Na ya kwa mukopano wani, mi bona kwani. . .kwa keleke yende ya Pentecostal Assembly. Mushimani, mu lukela kubona basali bani ha ba hasana ha ba ni bona inge ni kena mwahali; ni kaputula kani, milili ye kutilwe, ni bene ba tinile fela ka mukwa wa mapunu, mane inge situnula se si besiwa, mwa ziba, inge ba ñomezwi mwa lindelesi ze kakatezi zani cwalo, basali ba Mapentekota, inge ba apezi ze mapunu feela.

¹²⁹ Mu ka ikalabela ka zona, ka Lizazi la Katulo. U ka ba ni mulatu wa kueza boozwa, Jesu naize, “Kaufela ya talima musali ka mu lakaza, u sa mu bukile kale mwa pilu ya hae.” Mi haiba u ipitisa ku muuna ka mukwa o cwalo, ki mañi yana ni mulatu? Ki wena kamba ki muuna? Ube hande! Mu sabe kwa mibonahalelo kaufela ya bumaswe! Mwabona? Kona kuli ki fo he cwale.

¹³⁰ Ki sikamañi se mu ka eza? Ba latehisa lilato la bona *lapili*. Oh, ne mu si ke mwa ba bona fa manganandila ni kambuli kuli ba kambele mazoho a bona ni kulumba Mulimu. Oh, batili! Ne ba sweli kuopela lipina zeñwi zende ni liapalo za mikanjo. Mwabona, ne ba latehisize lilato la bona *lapili*. Bwani kona butata bo ne buli ni keleke yapili. Mwabona?

¹³¹ Bana ni kueza fela inge lifasi. Bana ni kutina inge lifasi, kubonahala inge lifasi, kueza inge lifasi. Ni kuba ni muika wa bona yebalata wa fa mazimumwangala, mwa ziba, fela ha ba koni kuikambusa kubona zeo. *We Love Susie* kamba nto yeñwi ye cwalo, mwa ziba, bana ni ku libona fela. Ba ka ina kwa malapa ku sa ya kwa mukopano wa litapelo ni lika zeñwi kaufela kuli bainele kubuha zeo. Haiba ha ba ezi cwalo, ba fa mulisana wa bona kalimelo yetuna, kuli ba zwe ka nako kufitela tukiso yani itahe kuli bafite kwa malapa ku yo ibuha. Lilato la lifasi hahulu kufita lilato la Mulimu!

¹³² Oh, kufutumala fela, ha bakoni kubulela kuli, “Amen!” ni hanyinyani. Mawi, bunde, likona kusinya mipende yabona. Mwabona? Ha bana Lona ni hanyinyani. Bao kiba Pentekota. Bao ha ki ba Baptist. Ne ba sina Lona ka kukala, ba—ba Presbyterian. Ni bulela ka ba Pentekota. Yeo ki niti. Ni ziba kuli zeo ka nyemisa, muzwale, kono lu bata kupepwa kuzwa sika se; sina ni kutisa lifu ku si kaba kale kupepwa. Mwabona? Mwabona? Ki Niti. Kono ki foo he cwale, musiile lilato la mina la pili. Ni . . .

¹³³ Haiba Mulimu na nyazize seo kwa keleke *yee*, Wa si nyaza ni ku *yani* hape! “Kakuli u tuhezi lilato la hao la pili, Ni na ni se ni nyaza ku wena. Ni na ni se ni nyaza ku wena, yeo kona pilaelo ya Ka. No banga ni nako yende sapili, kono u—u tuhelezi lifasi kukena ku wena, mi una ni kueza ka mukwa wa sihalihali. U sa swalelezi Libizo la Ka, mi u sa eza lika ze lukile, mi una ni

tibeledo yeñata ni zeñwi cwalo, mi wa ikataza, uswana sina mule, wa ikataza fela ni kubeleka.”

134 Mawi! Mawi! Mawi! Mwabona, u siile sishemo ni tumelo ni mata, ka ku li shutanisa ka buikatazo ni misebezi. “Kihande, Na ku bulelela wena Muzwale Branham, Na—Na tusanga mbelwa kaufela ye Ni kona.” Kihande, yeo ki nto yende, Na ku lumba ka zeo. Kono li kai lilato la pili lene u nani sa pili? Uh-hum, uh-hum. Ikai tabo yo no banga ni yona yani? Sina Davida ha na lilile kuli, “O Mulena, kutiseza kuna tabo yaka ni puluso.” Ikai mikopano yaale kaufela ya litapelo, ni miyoko fa malama a hao? Mawi, bunde, Bible mane se ina ni maluli ni masila a maui ku Yona. No Balanga makande a kale a lilato, ni lika zenca; ni lika ze ne sa lukeli ku lumelezwa kuli li bulelwa ni ku beiwa mwa—mwa singongolo sa manyalala, mi luna sicaba sa Mapentekota lwa li inga ku li beya fahalimwa zona inge sishañata sa linzinzi fa singongolo sa manyalala. Yeo ki niti. Oh, sishemo! Ze lu tokwa ki: Kukutela kwa lilato la luna la pili! Lukutele kwa Pentekota! Oh, mbwasha Ni zwe ku zeo. Ku lukile. Kono, mwa utwisisa, “Kusiya lilato la pili lani.”

135 Timana ya 4, timana ya 5 cwale. Ki temuso, timana ya 5, ki temuso: “Hupula mi u bake!” Mwabona?

U hupule kanti fo wile, . . . (U zwile kai? Kuzwa kwa pentekota u wezi fafasi fo se u inzi cwale, u wile mwa tumelo) . . . mi ubake, mi ueze misebezi ya hao ya makalelo; (kutela kwa pentekota hape) . . . ku si cwalo Ni ka ku tahela kapili, mi ni zuse lambi mwa sibaka sa h-a-e . . . (Mwabona kuli ki mañi, nji cwani?) . . . sibaka sa hae, konji u bake.

136 Manzwi amañwi, haiba muna ni mulisana yatezi Mulimu, ya tezi Moya o Kenile, mi ulika ku mu swala mwatasi munwana wa hao, uli, “Kihande, haiba u bulela sika ka luna ka kuba ni kwaya ye tina mikanjo, haiba u bulela sika kaufela ka luna ka za kupenta mipende, lu ka mu leleka fela mwa puteho.” U sike wa bilaela, Mulimu uka li eza u si kaba kale ni kolo ya kueza cwalo. U ka zwela kwande ku yo kutaza kwa macwe mwa mukwakwa a sika keshebisa kale ni lika ze cwalo. Una ni mulisana ya ku bulelelanga Niti, u lukela ku kuteka Mulimu ni kuina mwa Moya, ni kulapela Mulimu, u lemuhe kuli uka lateha ha u sa ezi cwalo. Mwabona?

137 Kono batu ba pila kacenu inge kuli ba ka . . . ye ki yona nto inosi fela yene liteni, “kupila fa lifasi faa, ku felile.” Ha u lemuhi kuli una ni moyo o ka zwa fa ni kuya kusili. Mi u ka toma bukamusu bwa hao ona foo, mo pilela ni mo ezeza, ku buluka mifumbo, ni kutimana, ni lika kaufela, mi ni ku matela kwa keleke. Oh, sishemo! Whew! Maswabi ku wena.

138 U tisa maswabi fa—fa mayemo a Kreste. Kana ha ki niti nji? Kana ha luezi cwalo nji? Ba lekisi ba bucwala ha ba filikanyi

Keleke; ha ku *cwalo*. Ha ki lihule le li sweli kufilikanya Keleke. Ki batu baba ipapata kuba Bakreste kona baba filikanya Keleke. Lu ziba yo mulekisi wa bucwala ali yena ni yo lihule ali yena. Likezeli za luna ha li apala sina lihule, yeo ki shutano, *zeo* kona ze filikanya Keleke. Mi mutu haanwa sina cakolwa, kihande, he, kona ze filikanya Keleke. Ba ipiza kuli ki Bakreste kono inge ba eza cwalo. Batu ba ku talimela ka libizo leo. . . “Yoo kaufela ya bulela Libizo la Jesu azwe kwa sibi.” Mwabona? Zwa ku ze cwalo.

¹³⁹ Oh, lu felezwi hahulu, mizwale. Na, mina, kaufela luna, lu—lu palelwa kuba za bata Krete kuli lube zona. Mi cwale ona fa seli nako ya kuli lu beye kwatuko buima kaufela bo bu lu imeza, mi lu mate ka tibeledo takano ye li fapila luna. Bakutazi, yeo ki niti, mizwale. Yeo luli ki niti.

¹⁴⁰ “Uhupule mi ubake, ku si cwalo Ni ka zwisa Liseli la naleli mwa sibaka sa lona.” Si sifi sibaka sa hae? Mwa Keleke. “Kono ha u sa baki ni kukutela ko no banga ka nako yapili, Ni ka nga mulisana wa hao ku wena azwe mwa sibaka sa hae; Ni ka mu beya mwa sibaka sesiñwi koo za hae. . . ko Ni ka bonahalisa Liseli la Ka le li ka benya.” Hmm! Kana seo ne si sa butokwa nji?

¹⁴¹ Seli nako ya kuli likeleke li bake. Seli nako ya kuli Pentekota izwise baituti babañata baa kuzwa fa katala, ni kubeya fateni mukutazi wa mufuta wa kale ya ka mi bulelela Niti; isiñi ya potoloha lika ni kuitusisa keleke fa kufumanela kapene ka sico, lituwelo zetuna, ni lika zeñwi cwalo, ni lituto za minahano, ni litakano nyana za lipelesa, ni milalelo ya malyalya a mulo, ni lika zeñwi kaufela. Se li nako ya kukutela kwa Evangeli. Hanina taba kamba mu ba banyinyani cwani, “Kokuna ni ba babeli kamba ba balalu bakopani hamoho, Nika—Nika ba mwahala bona.”

¹⁴² “Ubake, ku si cwalo Ni to zwisa lambi; ni to mu zwisa mwatani, kusili kwa ka yo monyeha liseli la hae.”

Cwale timana ya 6. Cwale ki ye yelukaba ni butata ni yona. Cwale, kwanda kuli u bake, Uka taha a zwise mulisana fateni.

Kono una ni, . . .

¹⁴³ Cwale, muhupule. Oh, musike mwa mbwinja se cwale. Se si ka kiya lika kaufela hamoho, kuya fafasi kuisa fo lu. . . inzi mwa lusika lo cwale. Kaufela mwa utwa hande, pili? [Kopano ili, “Amen!”—Mu.] Kana mu akufile? [Kopano ili, “Batili!”] Ku lukile cwale, cwale. Ku lukile, amu itiise nyana fela kanti. [Muzwale mwahala kopano uli, “Ina busihu kaufela.”] Cwale. . . Ni itumezi.

Kono una ni, . . . (Neba na ni sesiñwi, nji cwani? Cwale, ki sikamañi se ne ba nani?). . . ki kuli u toile likezo za Manikolai, ze Ni toile nina.

¹⁴⁴ “U toile likezo za Manikolai zani.” Inge ni inzi mwa sibaka mwa ku balela mwani, Ni ñozi nto yeñwi ka seo, Ni bata kuli mu

teeleze ka tokomelo cwale, ki makepe amabeli faa. Timana ya 6, litumbo ni kulumelana; ki kuli, Mulimu ni Keleke ba lumelelani fa nto iliñwi, kuli ba “toile likezo za Manikolai”; yeo ki Kota ya niti, ki Kota ya niti, ki Keleke ya niti ye neli mwa keleke ya Maefese.

145 Cwale, muhupule, keleke ifi ni ifi kaufela ina ni mikwa ya nama ni za moya za yona. Kona mambile baba pepilwe mwa ancafazo kaufela mi ba pila mwa keleke kaufela. Ne ba kalezi mwa lusika *lo* mi ba felela mwa lusika *lo*. Mi mafelelezo, za nama za nga sibaka mwa Lusika lwa Tiyatira, mi Luther a li hohela kwa mulaho hape. Mi fa lisweli za kena mwateni hape. Kana mwabona bulapeli bwa nama bwani? Hakuna shutano mwahala zeo ni Bukatolia. Kaufela ki lika ze swana. Kopano ifi kaufela ikenyizwe mwateni. Mulimu ali kuba aongaonge Keleke ya Hae. Ona zeo kona ze ne ba lika kueza faa. Mi mu talime mubone cwale haiba yeo ha ki niti, ku mi bonisa fela kopano mo ibezi ye kutilwe. Ne li—ne li nto ya kwahule kwa Keleke yenca, Keleke ya Testamente ye Nca. Mwabona?

Kono . . . wena . . . Kono wena u, toile likezo za Manikolai, ye Ni toile nina.

146 Kota ya niti ne itoile likezo za Manikolai, ni Mulimu na li toile cwalo. Ze ne li likezo mwa keleke ya Maefese, mwa keleke ya Maefese, za to ba lituto mwa keleke ya Pergamosi. Mwa Efese, keleke yapili, neli kezo, mwa keleke yetatama ya ba tuto. Mwa utwa Cwalo kana? Kana mwa Li utwisisa cwale? Ne li kezo mwa Efese, mi amutalime, mwa Pergamosi mo ya to ba tuto. Ne li kalezi fela kwanu ka mufuta wa bumbututu. Cwale, mwa muzuzu lu ka fumana kuli zeo nelili cwani. Ki zeo *litongwani* za Paulusi, “likezo za Manikolai.”

147 Cwale se . . . Ha lu tolokeni linzwi leo mi lu fumane se lunani lu si kaya kale kwapili. Linzwi la kuli *Nikolai* ki nto yenca ku na. Nina ni buka ya litaluso za manzwi ya Sigerike ye Ni—ni konile kufumana. Nikolai lizwa kwa linzwi la kuli *Nicko*, N-i-c-k-o. Amulibelele, Ni lumela kuli Ni iñzi fafasi faa. N-i-c-k-o, *Nicko*, le li talusa kuli “ku koma kamba kuhatelela.” *Nicolaitanes*, “kuhatelela kamba kukoma keleke.” Se ne balika kueza neli kunga keleke koo Mulimu nana ni balisana, mi Moya wa Mulimu ka kuzamaya ka mpo i mwa Keleke ya Mulimu ye pila, mi, nebana ni tuto yene kalile ya kuli ne ba kaba ni baprisita, ni mabishopu, ni ma pope, ni zeñwi cwalo. Kuli, Mulimu naize, Na toile! U sa li toile ni kacenu. *Nicolaitanes*, (*Nicko*, “kukoma”) kamba, “kuhatelela keleke.” *Laity* ki “keleke.” Ki ba bakai ba baziba kuli laity ki keleke? Ku lukile, “Kuhatelela kamba kukoma, kamba kunga sibaka sa keleke.”

148 Ka manzwi amañwi, kunga buinno bwa moya kaufela, mata kaufela kuzwa mwa keleke, ni ku a beya baprisita; “Kopano ipila ka mo ibatela kupilela, kono muprisita ki yena ya kenile.” Ku

zwise Moya o Kenile kwa sicaba ni lisupo ni limakazo inge li ba latelela, ni ba zwise sani ni ku ba fa buprisita bo bukenile. Ku zwise Moya o Kenile ni ku U cincanisa ka baprisita. Mwabona seo uli sona? Ne li. . . Mafelelezo za to ba. . . Mwa kekeke ye *moo*, ne li likezo; mi mwa sibaka *se se* ibile tuto; ni Tiyatira, za to nga sibaka. Mi cwale Luther ha taha, ne li sa ini ka nzila yeo, la kutela kwa mulaho ni kunga sibaka hape: mabishopu, baika ba litapelo, mabishopu ba bahulu. Ki mañi mwa lifasi ya li toho ya Keleke ya Mulimu kwanda Hae Kasibili? Amen! Whew! Cwale Ni ikutwa bulapeli. Moya o Kenile no lumilwe ku to busa Keleke; isiñi mukutazi fela, kopano kaufela! . . . fela kuli mukutazi abe ya kenile, ki, Keleke kaufela ye lukela kuba ni Moya o Kenile.

¹⁴⁹ Mi bakeñisa Zeo, bakeñisa kuba ni Moya kuli u eze lika, bangile tumezi nyana ni liñende le li omile, ni veine yeñwi, ni ku libiza kuli “*Yukaristi* ye kenile ye talusa kuli ‘Moya o Kenile.’” Kana mwahala lifasi kaufela liñende likona kuba cwani kaemba ni veine kuba moya? Cwale, haiba—haiba cwalo kona mo kuinezi, mu swanela kubala Likezo 2 sina cwana: “Cwale lizazi la Pentekota ha li tahile ka kutala, kwa taha muprisita wa Muroma ya na zamaya mwa nzila, mi ki hali ‘Labula lulimi lwa hao’ mi a mu longa ka mbisikiti mwahanu, mi anwa veine, ali, ‘Cwale u na ni Moya o Kenile.’” Cwale, cwale lu nahana kuli ki nto ye maswe. I cwalo.

¹⁵⁰ Cwale ha lu shetumukeni fafasi; Ne ni beilwe fa bukutazi mwa kekeke ya Baptist, ha lunge ba Baptist. Uh-huh. Hmm? Ba Methodist, ki sikamañi se lueza? “Ha u ka bulela kuli ‘Jesu Krete ki Mwana Mulimu,’ u ka piliswa.” Diabulosi u lumela kuli Ki Mwana Mulimu, mane wa Li saba; yena mane u lumela cwalo hahulu kufita ma membala ba bañata mo ba lumelela. Ni diabulosi u lumela lika zeswana mi wa ngangama, kakuli u ziba kuli u latehile.

¹⁵¹ Cwale lu linga ka mukwa wa ba Methodist, ba—ba bulela kuli “Joani na si ka kolobeza,” kuli, “a fafaleza.” Ali, “Nekuna ni batu ba babutali mwa naha, mi—mi mezi ataha mwa libaka kaufela. Mi na nani ndalamiti mi ya to tibula musima omutuna.” Mi ba kutaza ona cwalo. “Mi kuna ni mezi mwa lindalamiti za batu ba ba butali baa, kamba ndalamiti ye, ya zwa mwa musima wa ya butali, ni ku fafaleza sicaba.” Bukuba! Oh, muzwale!

¹⁵² Kihande, ki se lu ka si nga, “Mi lizazi la Pentekota ha li tahile ka kutala, kaufela bona nebali mwa sibaka silisiñwi, mwa buñwi. Mi mulisana a taha kwani ku to kutaza sebelezo yende, mi ali, ‘Ni fe lizoho la tumelelo yakuba mwa kopano, mi luka ñola libizo la hao mwa buka.’” Seo ha si utwahali hande, nji cwani? Mwakona kuba ni. . . Hamukoni kuba ni zeo mwa buka ya buino bwa naha, neba ziba hande kufita zeo. Buka ya likezahalo za kale yebizwa *Ladies Birthday Almanac* ilukile hahulu kufita mo li lukela kubela zeo.

153 Kihande, ki sikamañi se si tisize zeo, kanti? Ba Nikolai ba kenya mwateni sikwata sa baana kuli ba kopamise Mañolo, ni kupanga kopano ye sa lumelezi Mulimu ku zamaya ku yona. Ya shwela ona fani! Mi U bulezi fa kuli, “U shwile! U na ni ‘libizo’ la kuli wa pila, kono u shwile!” Buñata bwa bona, ba shwile, mi ha ba zibi.

154 Na ni muzwale wa ka ne lu shuta litapi, ne luli bashimani ba banyinyani, kulo kwanu. Mi Na swala siñombwe se si hulile, mi Na si puma kwateni toho; ku i zwisa kwa swala ya kashuto, ne ni sa lati kuba ni sona; mi na si nepela fa likamba fani. Mi muzwale munyanaka ataha, mi ki hali, “Ki sikamañi so yabuzi fa nako nyana?”

Se nili, “Ki siñombwe.”

Mi ali, “Ki sikamañi so ka eza ni sona?”

Se nili, “Ki sani, silobezi, *fani*, mi ni toho ya sona iteni *fani*.”

Mi aya fateni fani. Mi ki hali, “Kana si shwile nji?”

Se nili, “Luli! Ni pumile toho ya sona kwa mubili, mwendi sishwile.”

155 Mi ki ha nopa kakota, mi ainama a nepela toho ya siñombwe se mwa nuka, mi cwale. . . kamba mwa kasa. Mi amano eza cwalo, siñombwe sa kale sa iswala. Mwa ziba, za fetauha fa hola kamba liholo zepeli. A tulera kwa mulaho, mi ali, “Yela! Ne ni hupula kuli ubulezi kuli, ‘Si shwile.’”

Se nili, “Si shwile.”

Mi ali, “Kihande, ha zibi cwalo. Batili.”

156 Kona kuli kona mo ba inezi bati cwalo: ba shwile mi ha ba zibi! Manikolai! Oh, mawi! Oh, Na bulezi kuli, “U toile zeo.” Kunga kaufela ka kutala, buprisita babande baba kenile, muika ya kenile, bishopu ya kenile.

157 Mi ba bañwi ba mina Mapentekota, “Mutoneli yomutuna, ha tahe. Mutoneli yomutuna, u ka mi bulelela haiba mwa kona kuba ni sebelezo ya foliso mo kamba nee. Ha, ha.” Haleluya! Moya o Kenile kona o ka bulelela seo kamba nee, ki Linzwi la Mulimu la Kuyakuile.

158 “Kihande, Muzwale Branham, lu lumela kuli Bibebe iluta kuli ‘mukolobeze ka Libizo la Jesu,’ kono mutoneli yomutuna na bulezi kuli ha ne lu ka kalisa zeo mwa keleke, u ka lu lelekela kwande.” Muzwelepili kuya. Yeo ki niti. Kihande ni lelekiwe kuzwa mo kufita ku yo lelekiwa Kafani. Kacwalo, haiba u zwisa sika kaufela *mwateni*, u ka yo lelekelwa kande Kwani, ni hakuli cwalo, kona kuli ki hande u lelekiwe kwanu. Haiba uka ku lelekela fande kwanu, u ka yo amuhelwa mwahali Kwani. Kona kuli yeo ki nto yeswana, kona kuli muine ni Zona.

159 Lu bata kuba baba lukile. Oh, mawi, ki nto yetuna, muzwale. Lu na ni kunga taba ye ka kuluka. Haluna ku kona kuba ni

Keleke konji Mulimu aba ni mutomo fa kuyaha. Haana kuyaha Keleke ya Hae fahalimwa sikwata sa bukuba. Una ni kutaha fa Linzwi la Hae ku si cwalo Haana kutaha ni hanyinyani; ka swanelo fa Linzwi la Hae.

160 Yomuñwi, ha ki kale hahulu, kulo kwani, naize, “Muzwale Branham, taha kwa Chautauqua.” Ki ba bakai bene bali kwa Chautauqua? Kiñi, mutalimele kwanu, buñata bwa batu ba keleke kamba kufitelela ne ba liteni kwa Chautauqua. Ili . . . Cwale, muuna yani a taha kwani musihali wani, mi kaufela mina ne mu mu utwile, a sa zibi kuli ne Ni ka li ziba. Mulimu wa kona kupatulula mwa sibaka sa fahalimu fani lika ze ezahala fafasi faa, mi, mwa ziba, Na li ezize. Ataha kulo kwani, ali, “Cwale, Muzwale Branham, oh, ki mutanga Mulena. Moya hauli fahalimwa hae, ki mupolofita ya tozizwe, luli wa ziba, Mulimu wa mu bulelelanga ze liteni ni ze ka ezahala; kono tuto ya hae, musike mwa teezeza ku zona.”

161 Ki muhupulo o lyangani cwani! Mutu ukona kubulela cwani zeo? Kiñi, ha Ni na . . . Kihande, haiba ha u zibi manawa a zwile fa kofi, uka—uka ziba hande kufita zeo. U kona ku nahana cwani nto ye cwalo? “Kiñi?” Kiñi, linzwi luli la kuli *mupolofita* litalusa “musinuli wa bumulimu wa Linzwi.” U kona cwani . . . Linzwi la Mulena na li tile ku mupolofita. Ne ni si ka bulela kuli neli Na, ki bona bene ba bulezi. Kono ki fo he cwale. Mwabona?

162 Kuli mutu . . . A buluke tuto nyana ya keleke kokuñwi, kakuli kopano ya bona ha i lumelelani ni Zona. Kulekisa tukelo ya sipepo sa mina bakeñisa busafa bwa kuca mulo, Esau, wena muipi ya nyandile! Yeo ki niti. Kulekisa kwa tukelo ya sipepo sa hao bakenisa fela busafa bwa mupika wa mulo, bakeñisa busafa bwa kopano, busafa bwa katengo ili lika za toile Mulimu. Mu hupule fela, mu li “kopano,” Mulimu u li toile! Kona lika ze kauhanyize mizwale, ni ku ba lyanganisa . . . Kuna ni ba Methodist babañata, Baptist, ni Presbyterian, busihu boo, baba tabela kuba ni kopano fa tafule ya Mulimu. Kono ha ba eza cwalo, bakona ku lelekelwa kwande nako yapili ha ba kalisa Zeo. Yeo luli ki niti.

163 “Boma neli ba siemba sa teni,” mi bona ki baikulu fela ka kukala. Oh, mawi! Hanina taba kamba boma neli ba siemba sifi, boma ne ba pila mwa Liseli la lizazi la bona, mina mu pila mwa lizazi lisili.

164 Sayansi nako yeñwi neipakile kuli, seli myaha ye mianda yemilalu kwa mulaho, ka kupotolosa mbola kupotoloha lifasi, bali, “Haiba mota neika zamaya ka lubilo lo lutuna ka limaili ze mashumi amalalu fa hola, bukiti bo bu nanula lika bwakona ku inanula fa lifasi kuya mwa moya.” Mu nahana kuli sayansi kacenu ya lumela zeo? Ba mata ka limaili ze mianda ye naintini fa hola. Ha ba sa talimela kwa mulaho kubona ze ne ba bulezi,

ba sweli kutalimela kwa mulaho, kubona ze ba kona kutalimela kwa pili.

¹⁶⁵ Kono kelele kamita itabela kutalimela kwa mulaho, kubona sa na bulezi Wesley, sa na bulezi Moody, sa na bulezi Sankey. “Lika kaufela za konahala ku baba lumela,” ha lu talimeñi kwa pili! Nto inosi fela mwa Bibeles ye talimanga kwa mulaho. . . Kana mwa ziba folofolo ye talimelanga kwa mulaho? Bupilo bo bu mwatasi hahulu ku ze liteni. Ki ba bakai baba ziba bupilo bo bu mwatasi hahulu ku bo buliteni ku ze zamaya? Ki simbotwe. Simbotwe kona bupilo bo bu mwatasi hahulu ku ze liteni, mi mutu kona bupilo bo bu fahalimu hahulu ku ze liteni. Mi simbotwe sitalimanga kwa mulaho. Ha ni tabelangi bupilo bo bu mwatasi hahulu bwani. Ni tabela kutalima kwapili, kulumela, kusepa, kuzamaya mwa Liseli sina Yena hali mwa Liseli, amen, sina Yena hali mwa Liseli.

¹⁶⁶ Nako yeñwi mwa Kentucky Neni na ni mukopano, muuna muhulu a taha, mi ki hali, “Oh, Ha ni lumeli foliso yeo.”

Mi se Nili, “Kihande, ku lukile, u mu American.”

Ki hali, “Ha—Ha ni lumeli sika kaufela konji ha Ni si boni.”

Mi se Nili, “Kihande, kaufela li lukile.”

Ki hali, “Cwale, Hanina ze Ni nyaza ka mina, kono Hani—Hani lumeli zo bulela.”

Se nili, “Ki litohonolo la hao la bu American, ha u lukeli kuba cwalo.”

Ki hali, “Cwale, Ha ni amuheli nto ifi kaufela konji ha se Ni iboni patala.” Hmm!

Se nili, “Kihande, cwale Ni. . . zeo—zeo ki zende, u lukela kuzwa kwa Missouri.”

Ali, “Batili, Ni mu Kentuckian.” Whew!

“Ha li utwahali hande kuba wa Kentucky,” Se nili. “Kono, nihakuli cwalo,” Se nili, “haiba wena. . . kona mo nahanela cwalo, uzwelepili cwalo.” Mi ki hali—ki hali. . . Se nili, “U kaya kwani kwa lapa?”

¹⁶⁷ Mi ali, “Ni ya kwabuse bwa lilundu. Ni pila kwabuse. . . Kihande, zamaya ni na.” Muuna yomunde. Ali, “Zamaya ni na kwa lapa, uine busihu kaufela, Muzwale Branham.”

Se nili, “Ni tabela kuli kambe Ne ni ka eza cwalo, muzwale.” Kono, Na li, “Ni ka taha kwanu ni bo malume.” Mi ki hali. . . Se nili, “U bata kuya kwabuse?”

Ali, “Batili, Ni lukela ku ya kwabuse bwa lilundu kwani, ku kambama nzila ye cwana, ni kushetumuka ni mwa musindi, ni kukambama,” wa ziba mo kuinezi fafasi fani.

Mi se Nili, “Kihande,” Se nili, “u ka fita cwani fahalimu fani?”

Ki hali, “Ni ya ni kambama ka nzila ya fahalimu fani.”

“Kiñi,” Se nili, “mane ha u boni lizoho la hao fapila hao.” Se nili, “U ka fita cwani fahalimu fani?”

Ali, “Nina ni lumonyi!”

Mi Na li, “Kihande, u ka eza cwani. . . U eza cwani, u ka monyeha liseli leo ni kuzamaya ku lona?”

Ki hali, “Eeni, sha.”

Se nili, “Ha u ka monyeha liseli, wa kona ku li nanula mwahalimu *cwana*? Ni tabela kubona ndu ya hao.”

Ki hali, “Haukoni ku ibona.”

Se nili, “Cwale uka fita cwani kwani?”

“Oh,” ki hali, “Ni ka monyeha fela lumonyi; mi hanze Ni zamaya, ki . . . Ni zamaya fela liseli ha li ya cwalo . . .”

Se nili, “Kona ona cwalo fela. Amen, muzamaye fela mwa Liseli.”

¹⁶⁸ Muzwelepili fela kuzamaya! Musike mwa yema kulo kulikuñwi, hakuna ko mu ka fita. Haiba u pilisizwe, mu zamaye kwa kukeniswa. Mu li, “U ka fita cwani fani?” Zwelapili fela kuzamaya. “Kana kolobezo ya Moya o Kenile ibata kukeniswa nji? Ni ka Yo fita cwani foo?” Zwelapili kuzamaya fela mwa Liseli. “Ki lisupo, ze komokisa, ni limakazo. . . ?” Zwelapili fela kuzamaya mwa Lise. Mwabona? Zwelapili fela! Nako ni nako ha u hata muhato, Liseli li ka tulela kwapili ku wena, kakuli Yena u kwapili a hao kamita. Ha kashi, Wa zamaisa. Ki yena Liseli. Oh, Ni tabile hahulu ka seo. Nji cwani? Ki yena Liseli, ku Yena hakuna lififi.

¹⁶⁹ “U toile misebezi ya Manikolai.” Za ba tuto. Cwale ha lu boneñi Paulusi sa na . . . Cwale, ki keleke ya mañi . . . Ki mañi ya na kalisize keleke ye cwale? Paulusi, Efese.

¹⁷⁰ Halu kuteleleni cwale Likezo kauhanyo ya 20, fa muzuzu fela. Mwa Likezo kauhanyo ya 20, mi lubone seo Paulusi . . . Kana mwa lumela kuli Paulusi neli mupolofita? Luli, na li cwalo. Kaniti, na li cwalo. Muhupule busihu bwani pono ka za liwate la mandinda, ni zeñwi cwalo? Cwale, . . . ni zeñwi ka zona kaufela. Cwale mwa kauhanyo ya 20 ya Muhalalehi . . . ya Exo- . . . Likezo, mi ha lu kaleni cwale fa—fa timana ya 27, mi amuteeleze hande cwale halunze lu bala. Cwale, Paulusi yoo, ki mupolofita, u bulela ze ka to ezahala.

Kakuli Ha ni si ka mi patela kubulela mulao kaufela wa Mulimu.

¹⁷¹ Yena muuna ya fuyozwi yani! Oh, Ni bata ku yo yema kwani ka zazi lani ni kubona mushukwe wa mubulaiwa yani ha u tinisiwa kwa toho ya hae. Haiba kuna ni nto ye cwalo sina mo Ni kona ku lilela, kipeto Ni ka lila. Ni ka huwa, ku bona Paulusi.

Kubona Muhalalehi Paulusi, yena muapositola
yomutuna yani,
Ni kubo ya hae ye sweu mi yende;
Mi Ni ziba kuli ku ka yo ba kuhuwa
Kaufela ha lu ta kopanela kwani. (Mina bo?)

172 Cwale:

*. . . Ha ni si ka mi patela ku mi zibisa . . . mulao kaufela
wa Mulimu.*

173 Kana ku cwalo? Cwale, Bakreste, mutalime kafa; ni bata ku mi buza nto yeñwi. Ki mañi ya na laezi batu bene ba kolobelizwe ka nzila isili kwanda Libizo la Jesu Krete kuli ba tahe ba kolobezwe sinca hape? [Kopano ili, “Paulusi.”—Mu.] Na kutalize mulao kaufela. Kana ku cwalo? Kihande? Mi ki sikamañi sa na bulezi Paulusi mwa. . . Ni lumela kuli neli. . . Ha ni sa ziba cwale kamba ki Matesalonisa kauhanyo ya 1 ni timana ya 8. “Haiba luna kamba lingelo lelizwa kwa Lihalimu li kutaze Evangeli isili, haiba lingeloi le lizwa kwa Lihalimu li ka kutaza Evangeli isili kufita yee” (kufita ku ba laela kuli ba kolobezwe hape ka Libizo la Jesu Krete, ni Evangeli ya na kutaza Paulusi). . . “Haiba lingeloi lifi kaufela lelizwa mwa Lihalimu” (isiñi. . . kamba ibe bishopi, kamba ki muika wa za bulapeli, kamba mutoneli yomutuna, kamba mulisana, kamba—kamba nto isili). . . “Haiba lingeloi le li zwa kwa Lihalimu li ka kutaza evangeli isili kwanda Ye, li be le li kutilwe anatema.” Yeo ki niti. Kana ku cwalo? Sa na bulezi, yeo ki Magalata 1:8. Kona ni i nahana fela ona faa. Ku lukile, Magalata 1:8, haiba mubata ku iñola, mubone sa bulezi Paulusi.

174 Cwale, fa ubulela kuli. . . Cwale timana ya 27, Na lumela ki timana ya 27:

*Kakuli Ha ni si ka mi patela ku mi zibisa . . . mulao
kaufela wa Mulimu.*

175 Cwale muteeleze ku ze. . . Bo ki bupolofita:

*Ki fo he muitebuhela, ni kwa mutapi kaufela, ili wo . . .
Moya o Kenile . . . u mi beile batoneli, kuli mufepe keleke
ya Mulimu, ya itekezi ka mali a hae.*

176 Kimañi ya na lekile? Neli mali amañi ao? Bibebe ibulezi kuli neli Mali a Mulimu. Mulimu, ka Mali a Hae tota. Kana ki cwalo?

*. . . mufepe keleke ya Mulimu, ya lekile ka mali a hae
tota.*

177 Bibebe ibulezi kuli lu pilisizwe ka Mali a Mulimu. Kana mwa ziba cwalo? Kiniti, Ya bulela cwalo. Ku lukile:

. . . ba itekezi ka mali a hae.

*Kakuli Ni ziba kuli, ha ni se ni ile ku ka to kena ku
mina litongwani ze buhali, ze li si ke za utwela mutapi
butuku.*

Ni mina kasibili... (Mutone kihona, kuli mutu na talimile ni bona taba ye ne taha yani.)... *mi hape mwahala mina ku ka zwa baana, baba bulela litaba ze kopami, kuli balutiwa ba ba latelele.*

178 [Hakuna manzwi fa tepu—Mu.] Lilimo ka samulaho ha na sweli... Kamba sikwata sa batu baba bata kupanga kopano ni kunga ze—ze kenile za Moya o Kenile kuzwa mwa keleke, ni ku li beya fa mabishopu a hae ni mapope ni baprisita, kuli... bakaba baba kenile, kopano ipila ka mukwa kaufela o ba—mukwa kaufela o ba bata kueza ka ona. Mi ba ka ba lifa buprisita mi u ka ba lapelela kuzwa mwa lihele, ni lika kaufela ona cwalo. Mi ki Bunikolai! Mi Mulimu ali, “Ni toile zeo!” Cwale amuteele.

“Ha lu boneñi, mi mu li, ‘Mulimu u bulezi kuli U toile zeo?’”

179 Cwale ha lu boneñi haiba Na bulezi kuli na li toile:

Kono una ni se, kuli u toile misebezi ya Manikolai, ili nto ye Ni toile.

180 Mulimu utoule kopano. Ki niti yeo? Cwale mwa bona se ne ba ka eza, mwa bona se ne ba ezize. Cwale mutalime hande mwahala keleke haiba ha ba ezi cwalo. U toile kopano!

Ya na ni lizebe, ha utwe seo Moya u si bulelela likeleke;...

181 Cwale, *litongwani* za Paulusi ne se li bile “Bunikolai.” Ne ba lika kupanga buprisita inge buprisita bwa Levi, yene li tuto yenca mwa Testamente ye Nca. Amen! Linzwi le kuli *Nicko*, linzwi la Sigerike leo *Nicko* litalusa “ku tula, kukoma.” Kukoma sikamañi? Keleke, Moya o Kenile. Ba zwisa mwa keleke zuho ya Mulena Jesu ni lisupo ni ze komokisa mwahala balumeli, ni kubeya baana ba botelwa kuba pope, kamba muika... muika, kamba mutoneli ya lika kunga Moya o Kenile ku uzwisa mwa keleke mi u utoma kuba mulao wa baana ba bakenile, ku ba beya *fahalimwa* keleke; isiñi ku ba biza kuli *mapasita* ili kotalusa “balisana,” kono *ndate*; kanti Jesu na ize, “Musike mwa biza kuli ‘ndate’ mwa lifasi.” Mwabona nto ye maswe yeo? Mi ki sikamañi se ne luezize?

182 Oh, haiba ne lu ka yema. Kambe ne lusina masihu aa kaufela a tomilwe cwana, Ni tabela kunga busihu bwa kamuso fa kauhanyo ya 12 ya Sinulo ni ku mi bonisa musali wa lihule wa kale yani yainzi fani, lona lihule. Mi musali... libaka la nali, kakuli na ezize boozwa... ni Mulimu, mi aipiza kuli ki mbelwa, mi hape na li mahe mahule. Kana ku lukile? Cwale, lu ziba kuli yani neli Rome, kakuli na inzi fahalimwa malundu a sebene, ni lika zeñwi kaufela ona cwalo, muuna yali ku yena ki nombolo ya sibatana, ni zeñwi cwalo. Kaufela lwa ziba cwalo kuzwa mwa lituto zefitile, yoo neli yena. Kono nto ye tomola pilu yateni, ne li yena mahe mahule. A ki makalelo a hae ona faa, ne ikalezi mwa Rome ka kuba sicaba sa Bakreste, baba ipiza Bakreste.

183 Muteeleze! Mulimu ni tuse kuli ni li eze la niti! Sikwata sa Bakreste mwa keleke sina cwana. Ba ba ba sihalihali, ni ku sa iseza ngana, ni ku li huha, ni ku ikeza ili bona kuba kopano. Ni kutamahanya sani, mwa Lusika lwa Lififi, hamoho ni naha. Mi naha ni keleke za to ba nto iliñwi ya sikamañi? Keleke ya Bukreste, “keleke ye Kenile ya Katolika” mo ne i bizezwa, (Linzwi la kuli *Katolika*, linzwi leo litalusa, “silundwamanji”), “keleke yetuna ya silundwamanji sa Bakreste.” Ni kubiza batu bene ba bulela ka malimi, ni kuhuwa, ni kufolisa bakuli, ni zeñwi cwalo, “babasa lumeli.” Mi mafelelezo ba lieza ka kapelezo hahulu kufitela mutu kaufela ha fumanwa kuli u lapela ka nzila yeo, mi ba nepelwa mwa musima wa litau, haiba ne ba si ke ba lumelelana ni Bukatolika. Zeo za zamaya mwahala mianda anda ya lilimo za kunyandiswa. Kono Keleke yani ne i si ka shwa. Ha mukoni ku I bulaya. Mulimu na bulezi kuli I ka pila kuisa kwa maungulo mi kona A ka I fa mushukwe wa Bupilo. Ataha mwahala masika ani a nyandiso.

184 Mi kwa taha Martin Luther ku to zwisezapili keleke mi a kenya keleke mwa kubeiwa ba balukile. Ze ne ezahalile Luther ha na shwile? Ne ba i ongaongile, aipanga kuba keleke ya ma Lutheran; ba ipumanela tuto. Ha ne ba iongaongile, ki sikamañi se ne ba ezize? Ba ikenya mwa kupepwa kwa mulaho kwani mwa Buroma hape. Ki niti luli.

185 Mi Moya o Kenile wa zwa fani ni kuya ku Wesley a U bona. Mi Wesley, ni Whitfield, ni George Whitfield, ni babañwi babañata bani, ni—ni Asbury, mi buñata bwa bona neli ba nyunga ba batuna ba ancafazo. Ne ba sebelelize lifasi mwa lizazi lani. Neba na ni ancafazo mwa Lusika lwa Filadelfia lwani lo ne lu sebeleza England, ni ba United States hape. Nebana ni mikopano ko ne ba lelekilwe mi ba bizwa “bapikuluhi ba bakenile.” Mina Methodist ne mu, ezize cwalo; ba wela mwa mubu mwatasi mata a Mulimu, mi ne ba hasakana mezi kwa lifateho za bona ni ku ba fukiseza moya. Yeo ki niti. Mi ne ba njanja hahulu katata mwatasi a ona, kufitela ba fita. . . ba bulela kuli “nebana ni za kunjanja.” Nekuna ni batu bene ba njanja ni ku nyungana mwatasi mata a Moya o Kenile. Yeo ki taba ya kale ya Methodist. Kuzwa fani kwa taha Banjanji ni babañwi cwalo; zeo cwale ba li ongaongile.

186 Ne ba ezize Methodist *ye*, Primitive Methodist, ni mufuta wa Methodist *ye cwana*, ni mufuta wa Methodist *ye cwalo* yani, kufitela li ba mwatasi hahulu kufitela sicaba sa Methodist si bata kunga “Mali” kuzwa mwa libuka za bona za lipina.

187 Kwanu busihu bobuñwi, fa tukiso ya mazimumwangala (Boma ba ni biza.) neba ni mulisana wa Methodist, ona mwa Indiana mo, kuluta za rock-ni-roll mwa keleke. Bali, “Ki maswabisa kuli lu palezwi kubona bukwala bo bunde bo bu liteni mwa keleke.”

188 Yani ki diabolosi ku mupolofita wa buhata! Luli! Ha ni lati kuholofaza maikuto a mina kono, muzwale, yeo ki Niti ya Mulimu. Ni tabela kuli ni mi filikanye hanyinyani ka nzila ye kuli mukone kubala Mañolo, mwendi ube hande ni Mulimu, kufita ku yo lateha kwa mafelelezo. Ha mu koni ku tabela ka nako ya cwale, kono zazi leliñwi mu ka yo ni kambeka lizoho fa maheta, ni kubulela kuli, “Muzwale Branham, yeo ki Niti.” Ki se fa mwahali mo, ni kukena kwa bona ku sona. Kwani konak one ba . . . Kona ona kwani. Bibebe ibulezi kuli ba ka eza ona cwalo.

189 Mi kuzwa ku Wesley, haiba Wesley na ezize cwalo, mi ka ku zamaelela kwataha Bapentekota. Mi ba amuhela ku kutisezwa kwa limpo, ba kala kubulela ka malimi, ili kolobezo ya Moya o Kenile.

190 Inge fela peu ya mbonyi mo imelela kuzwa mwa mubu. Nto ya pili, ya bola. Itisa matali amabeli. Mi kipeto. . . Hamuna ni simu ya mbonyi, mu nahane. Litali lani li ka hula ni ku putuluha kuba sibunga. Sapili, neli Lutheran. Ili sibunga, ki sikamañi seo? Methodist; neli muuku wa mununo, lilato la sizwale, ba ku hasanya evangeli, muuku wa mununo wa kena ku babañwi.

191 Kiñi, niheba ze tahile li buleka ka za masika a likeleke aa. Methodist yazwa mwa kulyangana. . . kamba, Ni talusa, Lutheran yazwa mwa kulyangana. Methodist ya nyunga lilato la sizwale la yona, ni lizazi la kuhasanya bulumiwa, mi ni—mi ni lizazi la—la mubuleli. Lizazi la mubuleli yomutuna leo lifasi likile la ziba neli nako ya Methodist. Yeo ki niti. Ku nyunga kwateni muuku wa mununo wa yona.

192 Ki sikamañi se si ezahalile kuzwa mwani? Kuzwa mwa muuku wa mununo mwani kwa taha mbonyi, Mapentekota. Bubeke, inge fela sona sika se ne sikeneni mwa mubu. Isiñi litali, isiñi sibunga, kono bubeke. Mi cwale ma—ma Mapentekota bana ni mafume akwahezi bubeke bwani kaufela, kufitela a . . . mane ha mukoni kubona ni bubeke hande. Seli nako ya ku li kenisa kwateni! Amen! Ki sikamañi se ne ba ezize? Ba eza nto ye swana yene ba ezize ba Methodist. Yomuñwi na ba ongaongile kuba sikwata, ali, “Luna lu ba Assemblies of God.” Babañwi bali, “Luna lu ba Pentecostal Holiness.” Babañwi bali, “Luna lu ba Oneness.” “Luna lu ba Twoness.” Mi—mi kuna ni zeñata hahulu za *zeo*, ni babañata ba bona. Mawi! Kupahama fa siluta sa kamele yeñwi, liluta zepeli, liluta zetalu, lika kaufela. Oh, kuna ni mashumi asilezi, kamba mashumi amalalu, kamba mashumi amane a likopano ze shutana za zona.

193 Ki sikamañi se ne ba ezize? Ba li nepela mwa Buroma hape, ba kolozwa ka kolobezo ya Keleke ya Katolika ya Roma. Ni kupa kuli wa Pentekota ufi kaufela a ni bonise koo mutu ufi kaufela mwa Bibebe akile a kolobezwa ka libizo la “Ndate, Mwana, ni Moya o Kenile.” Ni kupa bishopu ufi kaufela, muika wa za bulapeli, muluti ufi kaufela, kuli ani bonise ko ikile ya ezahala ni

kamuta, kwande a keleke ya Katolika. Mi Luther azwa ni yona, atisa katekisema ni lika kaufela ku yona. Methodist ya zwelapili ni yona. Mapentekota, mu lukela kuswaba! Mu ikenise! Amu kutele kwa Linzwi! Mubake ku si cwalo Mulimu uka zwisa lambi ku mina, ili Liseli le mu nani. Amen! Ku lukile.

¹⁹⁴ Ku zwisa mwateni Moya o Kenile ka kuba Mueteleli, ni ku bafa mundandwe o kenile wa batu, ni ku ba beya baokameli ba keleke. Mi ha baba bizi kuli “pasita, balisana,” (Lu swanela ku bizwa *mapasita*, “balisana,” linzwi lelili *pasita* litalusa cwalo.) kono “ndate, muika wa tumelo, bishopu yomutuna, kamba mutoneli yomuhulu.” Ba niti ba toya nto yeo! Mi Mulimu ailumeleza ku bona, mi ali, “Ni i toile, nina!” Kakuli U swanela kuba mutoneli yomuhulu, bishopu yomutuna, ni pope. U sebelisana ni mutu ufi kaufela; isiñi katengo, kono mutu.

¹⁹⁵ Cwale, ka bunca. . . Muteeleze, hanze lutaha kwa kukwala. Luna ni fela timana iliñwi.

¹⁹⁶ Faa luna ni tuto ya tumelo ya Bukatolika ye kalile, kuyola kwa buapositola. Ki ba bakai baba ziba cwalo? Buapositola. Cwale ba Katolika ba bulela kuli “Pope wa kacenu ki yena ya yolile Pitrosi, kuyola kwa bu apositola.” Hakuna nto ye cwalo. Icwani takazo ya mina, ya foso. . . Neli cwani kuli Esau ni Jakobo ne ba pepilwe ku ndate ya kenile ni maa bona ya kenile, mi alimuñwi wa bona ali Mukreste mi yomuñwi ali diabolosi? Uhum. Ku kona kuba cwani? Kakuli sibi ki sibi, mi foso ki foso, kono Mulimu ki yena ya fa Lupepo.

¹⁹⁷ Mulimu u lu keta kuzwa kwa mutomo wa lifasi. Kana mwa ziba cwalo? Mu libelele kufitela lu bala baituti ba litaba za kale baa, mi mutalimele ka mo Irenaeus. . . mwa fela Mulimu tumbo ka ku muketa kusika ba kale mutomo wa lifasi; kuli mane Muhalalehi Martin ni babañwi bani kaufela, ba Mu fa milumbeko; Mulimu, milumbeko. Ali, “Kakuli. . .” Ni batu ba bulela ka yena, bali, “na ketilwe ku si kaba kale mutomo wa lifasi.” Ao ki Mañolo. Mizwale bani ne ba yemi hande ni Mulimu. Kono keleke ya kale yensu yetile mwahala myaha ye mianda ye lishumi za Masika a Lififi, ya lamba bunsu fa nto kaufela inge lambi ye tushana musu, ku unsufaza Maseli. “Kono ku kaba Liseli mwa nako ya manzibwana,” kubulela Mulena.

¹⁹⁸ Kuyola kwa Buapositola, yomuñwi mwa mulaho wa yomuñwi; pope alimuñwi, mi una ni kuba mwa lusika lwa ma pope u si ka ba kale pope. Oh, mawi, mawi! Bwani ki bukuba. Ki—ki keleke. . . Isiñi ba ba kenile ni ba ba lukile, kono ki. . . batuhela ba. . . batuhela—batuhela baprisita ba ba lapelele kuzwa mwa libi za bona, ba swalela libi za bona, ba lifa mali kwa kubaka.

¹⁹⁹ Baipanguli baeza ze swana! Ba lika kuba. . . kunata nata mulisana wa bona fa mukokoto kono inge ba pila sina babañwi ba lifasi. Mi ha ba zibi za Mulimu sina yena mwa zibela. . . ba

ba tuhelela kuina mwa keleke ni ku ba biza kuli ki ma membala ba keleke, ni ku ba lumeleza kuina mwani ni ku ba bulelela kuli ba pilisizwe. Mo ba ka yo swabela ka lizazi lani haiba ha ba si ka pepwa sinca! Kusina Moya o Kenile u latehile. Hakuna mutu yakona kubulela kuli, “Jesu ki Kreste,” konji ka Moya o Kenile.

²⁰⁰ Keleke ya niti kwa Efese ne isika pumiwa ka lipulo ze kabisizwe, za butali bwa nama zee. Na . . . Ne ba li toile. Ne ba si ka pumiwa, ba ziba; Keleke ya niti ne i si ka pumiwa.

²⁰¹ Sinulo ya buhata yene ba nani batu baa, ba ba bizwa Manikolai, yene si ka swalisana ni Linzwi la Mulimu. Mu ni bulelela ko mukile mwa bona “muprisita inge aipulela libi” ka mo li lutezwi mwa Bibelee moo. Ki kai ko mubona za “kufafaleza” ha li lutiwa mwa Bibelee mo kwa swalelo ya libi? Ki kai mo mu bona mutu kaufela ya kolobelizwe ka libizo la “Ndate, Mwana, ni Moya o Kenile” kwa swalelo ya libi za mina? Ki kai ko muboni zeo, “Kufa tumelelo ya kamuhelo mwa kopano, ni kuiñolisa mabizo a bona mwa buka ya keleke” mwateni mwani? Ki kai ko mubona lika ze cwalo kaufela? Ki sikamañi seo? Ki buprisita kamba mu—mu muluti wa za bulapeli ya si ka luka ka Linzwi, mi kona Manikolai, mi Mulimu na bulezi kuli, “Ni ba toile!” Mu kutele kwa Linzwi. Oh, zeo ki . . . Na ziba seo si buhali, mizwale, kono Hani—Hani—Hani na mulatu; ku Jesu, wa ku Mu nyemisa.

²⁰² Sinulo ya buhata, isi kuya ka Linzwi, kono, aba biza “mahata, ba positola ba buhata, bapolofita ba buhata.” Kono Keleke ya niti ne iswalelezi kwa tuto ya makalelo ya Muhalalehi Paulusi ni kolobezo ya Moya o Kenile, ni lisupo inge li latelela ni kubonisa Linzwi la na lutile Paulusi. Amen! Mu ni bonise koo Mulimu uka paka linzwi la kufafaleza mezi. Mu ni bonise koo Mulimu uka paka, ni kutisa za kubulela ka malimi ni lika zetuna, ka kuswalana fela mwa mazoho ni mulisana kokuñwi ni kuñolisa libizo la hao mwa buka; kono inge asa mumuna kwai, kuzuba, kunwa, kubulela buhata, mikiti ya makadi, kuba ni lisheha nyana, kuya . . . Oh, sishemo! Zeo ki za nama, mupolofita wa buhata, mulikani. Eeni, sha.

²⁰³ Nzila ya Mulimu ki kukena. Taba ye ha izibahale ku membala kaufela moo wa Mubili wa Kreste: kufitela upila bupilo bo bu kenile, Mulimu u ka hana sitabelo sa hao. Sitabelo si na ni kufiwa ka mazoho a kenile. Fo ki kuli . . .? . . . kulukile. Muprisita yomuhulu mane a si ka taha kale ku to fa sitabelo, nana ni kuba ya kenile, ni kuneelwa, ni kutoziwa, ni kuseliwa sende, ni lika zeñwi kaufela, mane a si ka zamaya kale fapila Mulimu ku fa sitabelo. Kana ku cwalo? Kona kuli ukona kuya cwani kwande mi u be kuluku, ni ku uzwa, ni kuomana, ni kulwana ni bo pila ni bona, ni lika zeñwi kaufela, ni kuzwelapili ona cwalo mo ezezanga, mi ni kutaha mwahali u bulele kuli, “O Mulena Mulimu! Kulumbwe Jesu! Haleluya!”?

204 Sicaba sili, “Na ba bonanga ha ba bulela ka malimi.” Seo niteni ha si talusi kuli bana ni Moya o Kenile. “Na ba utwanga ha ba huwa.” Seo ha si talusi kuli ba amuhezi Moya o Kenile. Moya o Kenile ki bupilo.

205 Bibeles ibulezi kuli, “Pula isuluhelanga fa lifasi, ku to lukisa, ku to lukisa ze i lumezwi,” (Maheberu 6) “kono liseto ni mikona li ka haniwa, ze mafelelezo a zona ki kubewa mulilo.”

206 “Lizazi li monyehela baba lukile ni ba si ka luka. Pula inelela ku ba ba lukile ni ba ba si ka luka.” Pula itahelanga ku to eza buloto kuba sico (lu ka ibiza), ni bucwani kaufela bo buli mwa simu. Haiba buloto bu na ni linyolwa, kipeto ni bucwani bu na ni linyolwa. Mi pula yeswana ye selaela buloto, iselaela ni—iselaela ni bucwani cwalo. Buloto nyana bwa kale buka nanula toho mwa halimu ni kuhuwa kuli, “Kulumbwe Mulena! Haleluya! Haleluya! Ni tabile hahulu fa kuba ni pula yee!” Bucwani nyana bwa kale bu ka huwa kuli, “Kanya ku Mulimu! Kulumbwe Mulimu! Haleluya! Ni tabile hahulu fa kuba ni Yona.”

207 “Kono ka miselo ya bona mu ka ba ziba.” Yeo ki niti. “Ka miselo ya bona mu ka ba ziba.”

208 Timana ya bu 7, mi kipeto lu ka kwala, se ki siemba sa mafelelezo mwa lusika. Cwale lu ka liyeha nyana mwendi ka mizuzu iketalizoho, kamba yelishumi, fa muzuzu fela.

*Ya na ni lizebe, a utwe seo Moya u si bulelela likeleke;
Ya tula Ni ka mufa kuca kwa kota ya bupilo, ye li
mwahala paradaisi ya Mulimu.*

209 Cwale amutalime, balikani, ki cwana mo mu komela. Pili una ni ku koma, kona ukona kuca muselo. Ki mukomi. Mwa hipula busihu bobuñwi, tuto ya luna maabani busihu? Joani nana ni kukena mwa Moya a si ka bona kale sika kaufela. Mi mu ka ina cwani, ni kubulela kuli, “Haiba ha ki wa Baptist, Hanina ku mu teezeza?” “Haiba ha ki wa Presbyterian, Hanina ku mu teezeza.” “Haiba ha luti ona cwalo keleke yaka ze iluta, Ni. . .” Ha—ha—ha una ku koma, ha u si ka kena kale mwa Moya. Fo he uzwiwe cwale mwa mulao.

210 Kena mwa Moya, ubulele kuli, “Mulena Jesu, Na Ku lata, cwale aku ni patululele Zo bona kuli li lukile, u li tise fela ku na.” Kipeto uka—kipeto uka ya uba hande. Yeo ki niti.

211 Mulemuhe, linako zetaalu Bibeles ibulela kaza—kaza Kota ya Bupilo mwa Genese, linako zetaalu mwa Buka ya Sinulo. Zazi leliñwi ne luna ni zeo. Muhupule? Lasunda, maabani. Nto inosi fela. . . Diabulosi toile siemba kaufela sa Mañolo aliteni, kono u toile, hahulu, Genese ni Sinulo. U lwanisa Genese kakuli buniti bwa yona, kakuli ubata kuezsa sicaba si lumele kuli Ne ku si cwalo; “Genese ne haisika taha sina Mulimu mwa bulelela kuli kona mo itezi, ne kuna ni sene si tisize pupo ye ni lina zeñwi.” Kipeto wa I lwanisa ona cwalo. Mi uisa sicaba kwahule ni Sinulo kakuli Ya patulula: Jesu ka kuba Mulimu, ni yena ka

kuba diabulosi (mi u latehile), mi kanya ya Keleke ye kenisizwe iya ku Mulimu, ni sinyeho ya mupolofita wa buhata, ni kaufela baba eza lishano ni baba eza lika kaufela ba ka nepelwa mwa lisa la mulilo. Kona ha ba kasheza kwahule ni Yona. Kono, muhupule, libaka zepeli kaufela li bulela ka za Kota ya Bupilo mwa Paradaisi.

212 Cwale ha lungeni nto ye fa muzuzu fela, mi cwale fa “Kota.” Muhalalehi Joani kauhanyo ya 6, haiba mubata ku iñola, Jesu naize, “Kina si—si—si Sinkwa sa Bupilo.” Cwale, muhupule.

213 Cwale lu ka itusisa misumo yemibeli ye ka kuba sisupo faa. Kacwalo, lu si ka kwala kale, cwale. Cwale, kwa lizoho laka la silyo ki kota mwa simu ye bizwa Kota ya “Bupilo,” kwa lizoho laka la nzohoto ki kota mwa simu ye bizwa koya ya “zibo.” Ki ba bakai baba ziba kuli Bibebe ibulela kuli kuna ni Kota ya Bupilo ni kota ya zibo? Cwale, mutu na lukela kupila ka yona Kota ya Bupilo yee, kuli a si ke a swala kota ya zibo. Kana ku cwalo? Mi nako ya pili yakile a iswala, aikauhanya ili yena ku Mubupi. A latehisa bu—bu bulikani bwa hae ni Mulimu ha to monkola hañwi kwa zibo. Cwale, munahane katata cwale. Mi muñole litaba zemuituta fo za mina, Ni ka mifa nako kuli mu li utwisise, kakuli ha Ni tokwi kuli mu li mbwinje.

214 Jesu, ku Muhalalehi Joani 6. Neba sweli kunwa kwa kaweluwelu, ni kunepa mazoho a bona ni kubeya lisheha mwateni, kuli, bondata bona ne ba nwile mwa Licwe la moya, ni zeñwi cwalo. Mi ali, “Ki na Licwe lene lili mwa lihalaupa.”

215 Mi se bali, “Fa ubulela kuli wena ‘no li ni Abrahamama,’ kono u muuna ya si ka fita kale fa myaha ye mashumi a kupepwa. Mi u bulela kuli u ‘boni Abrahamama’? Lwa ziba cwale, kuli, wa pulumuka, u diabulosi.” Mwabona?

216 Mi ali, “Mane Abrahamama asika ba kale, NITENI.” NITENI na li ni Mushe mwa sicacani; sicacani sene si tuka, NITENI. “Mane Abrahamama asikaba kale, NITENI”; isiñi kuli “Ne ni liteni.”

217 Cwale, mia sicaba baba bulela kuli mazazi a limakazo a felile, mu lukela kuezza Liñolo leo kubulela kuli, “Ne nili na yomutuna Yana liteni.” Mwabona?

218 Isiñi kuli “Ne ni liteni,” kamba “Nika bateni”; “NITENI,” zeo ki nako kaufela. Ki wa Kuyakuile. Linzwi leo “NITENI” ki la Kuyakuile, lusika lwa bona kaufela, ka nako kaufela, mwahala malambi a gauda kaufela a sebene, keleke kaufela, sibaka kaufela, pilu kaufela. “NITENI,” (isiñi “Ne ni liteni”) kamba “Ni ka bateni”) “Ni yemi ona fa sina mo Ni bezi cwalo kamita.” Mwabona? “Kamita, NITENI.”

219 Ba bulela kuli, “Bashemi baluna. . . Ha lu ku zibi wena. Lu ziba wena u dimona.” Bali, “Bashemi ba luna ne ba cile manna mwa lihalaupa ka nako yelinaka myaha mashumi amane.”

220 Mi Jesu ali, “Mane mutu ni mutu wa bona u shwile.” Yeo ki niti? “Kaufela bona ba shwile. Kono Na . . .” Oh! “Kina Sinkwa sa Bupilo se si zwile ku Mulimu mwa Lihalimu. Haiba . . . Sinkwa sa Bupilo. Haiba mutu uca Sinkwa se haana kushwa.”

221 “Kana muuna yo u lufa mubili wa hae, kuli lu ce?” se bali, “Cwale kele a pulumuka, kaniti utakani.

222 Sinkwa sa Bupilo ne si zwa kwa Kota ya Bupilo, ko ne ba cela, kuzwa mwa simu ya Edeni. Na li yena Kota ya Bupilo. Cwale, haiba Kota ya Bupilo neli Mutu, kona kuli kota ya zibo neli mutu. Cwale mubulela kuli noha neisina peu! Haiba Bupilo butahile ka Mutu, lifu litahile ka musali. Ku lukile, na li yena kota ya lifu.

223 Haibile fela yo—yo ha na ti lo mu silafaza, ili mane za na ezize (yena noha), ki hali, “Noha ini pumile.” Yeo ki niti. Isiñi noha; nali sibatana se si butali hahulu mwahala zona, nali mwahala pombwe ni mutu. Peu ya folofolo haikoni kutamahana ni musali, haikoni kuba cwalo; kono mutangana yo, nali yena tamahano yetatama. Mi Mulimu abeya sikuto ku yena A mu beya kuwa ka mba ya hae, mi atokwa mahutu, mi anga lisapo kaufela ku yena ni ku a cinca kwa ku sa swana ni sika kaufela sa mutu. Sayansi ilika ku li kata mwa simu. Zeo li patilwe ki likunutu za Mulimu, mwahala paradaisi ya Mulimu. Ki yeo sinulo ya mina.

224 A pepa mwana hae wa mushimani yanali Kaine (Kana ki cwalo?), ili mwana Satani, mwana Satani. Haiba ne ba si cwalo, ki kai kone—ki kai kone kuzwile bumaswe? Ku Adama yanali mwana Mulimu? Ne li zwile ku diabulosi, yena ndatahe. Mi a bulaya; sibulai wa pili neli diabulosi, ili mwana mushimani wa diabulosi.

225 Mutalime sene si ezahalile kasamulaho wa sani, mutalime fa lusika lwa Kaine. Kutaha cwalo ka kushetumuka mwa lusika lo ne lu latelezi, kasamulaho wa Kaine, mañi ni mañi neli mutu wa sayansi yomutuna. Mubale Bibe. Ne ba yaha mandu, ba sebeza ka lisipi, mi nebali ba sayansi. Kono mutu ni mutu yana zwile ku Seta, (Kakuli Abele na sa shwile, mufuta wa Jesu, na shwile; ni Abele na shwile, mi Seta anga sibaka sa hae: lifu, kupumbekwa, ni zuho.) . . .kuzwa ku yena kwa taha linjimi ze ikokobelize, balisana ne ba zwile ku zeo.

226 Cwale Jesu naize, “Bokuku a mina ba cile manna mwa lihalaupa mi kaufela bona ba shwile. Kono Na ki na Sinkwa sani sa Bupilo,” (Sinkwa mañi sa Bupilo? Kuzwa kwa Edeni!) “seo mutu aka ca kwa Sinkwa se haana kushwa.” Cwale, Mulimu na beile Lingeloi le li potoloha Kota ya Bupilo yani, ku sileleza kuli kutokwe ni yomukana ya i swala, kakuli ne ba ka ca kwa Kota ni kupila kuyakuile. Kana ku cwalo?

227 Kakuli, ne ba zwezipili kwa kota ye mi se ba shwa. Kana ki cwalo? Kakuli, haibile fela ne bana ni kuca ku yona, ba shwa. Mi mu sa shwa fela kakuli mu cile kwa kota ya zibo. . . Cwale, ha

lu talimeñi fa kota ya zibo cwale. Mutalime se iezize. Cwale ha lu boneñi se si ezahalile. Nto yapili, ha lu boneñi, ki. . . Kihande, ha lu boneñi alimumu yo ne. . . ne li pangile musili wa tobolo. Li bulaya balikani ba luna. Yeo ki niti, ba ipulaya ka musili wa tobolo, kuzwa kwa kota ya zibo. Nto yetatama ye lu ezize, mawi, ha lu boneñi, lu—lu pangile mota, kuzwa kwa kota ya zibo yani. Ya bulaya mane kufita ni musili wa tobolo mo ubulaela. Oh, eehe! Cwale, luna ni bomba ya haidrogen. Mulimu hakuna za bulaya, mutu ki yena ya ipulaya ili yena ka zibo ya hae.

228 Kono kaufela babali ba Mulimu, Mulimu u ka ba zusa hape; Mulimu hakuna za latehisanga. Jesu na bulezi cwalo, yeo ki niti, “Ya ca kwa Sinkwa se una ni Bupilo Bobusafeli, mi Ni ka mu zusa hape ka lizazi la mafelelezo.” Yeo ki sepiso ya Hae. Cwale, Mulimu. . .

229 Ba inzi kwapata maswe, kuca kwa kota ya zibo ni kushwa. Kono ha ne ba ti lo fita kwa Kota ye, ne ba ka pila kuyakuile.

230 Cwale he mwa sibaka sa kuli Lingeloi kwani kuli li ba inise kwahule a kota Ye, liteni kwani li ba libisa *kwa* Kota yona yee; mangeloi a likeleke, likeleke ze sebene, ku li kutiseza kwa Libizo la Jesu Kreste yali yena Kota ya Bupilo ye yemi mwa Paradaisi ya Mulimu. Whew! Mawi! Ni sepa mwa utwisisa. Kota ya Bupilo iyemi mwa Paradaisi ya Mulimu kuli muce ku Yena ni kuba mwana mushimani ni wa musizana wa Mulimu ni kupila kuyakuile. “Ya utwa Manzwi a Ka mi alumela ku Ya Ni lumile una ni Bupilo Bobusafeli, mi haana kutaha mwa katulo kono u sa zwile mwa lifu ku kena mwa Bupilo.”

231 Muzwale, kezeli, cwale Na. . . Na. . . Luli, Ni na. . . Ni—Ni mi pumile, ku mi holofaza. Hani—Hani talusi ku eza cwalo. Mwabona? Mulimu wa ziba cwalo, kono Ni na ni kuezwa ka nzila ye kuli mubone fo lu inzi. Ha ni lumeli kuli luna ni kuina nako yetelele. Ha ni liki ku zwisa bukreste ku mina kakuli mu ba siemba sa kopano. Zeo ha ki zona. Sicaba ki batu baba tamilwe ka likezahalo. Ha ba zibi sesiñwi ka zona; bashemi ba bona kaufela ze ba ezize kamita ki kuya kwa keleke ni lika zeñwi.

232 Kono, muzwale, nto iliñwi lu si ka zwa kale, ha lu boneñi ni bulele pulelo iliñwi ye. Mupolofita naize. . . Kana mwa lumela mwa bapolofita? Bibeke i bulezi kuli lu ba utwe. Mupolofita naize, “Ku ka taha nako yesike ya ba musihali kamba busihu, kono ikaba lizazi la mbundu. Kono mwa nako ya manzibwana, lizazi li si ka likela kale, ku kaba Liseli.” Kana ki cwalo?

233 Cwale mutalime se lubile ni sona. Cwale, ha lu talimeñi fela. Kana lizazi li eza cwani. . . Lizazi li pazulelanga kai, sibaka sa lona? Kwa upa. Kana ku cwalo? Li likelelanga kwa wiko. Ni lakaza kuli Ne ni kaba. . . Ni ka nga mapa kamuso busihu ni mi bonise. Fani Moya o Kenile ha u suluha mwa Jerusalema, Ne u pangile sika se si bonahala inge eiti, nzila ya Ona. U ya hande mwa Ireland, ni ku kuta hape, fahalimu, ni kutaha kwa Likamba

la kwa Wiko, ni kuwela kwa mulaho hape; sika sesinde sa eiti ko ne kuile Evangeli. Cwale, zwelopili izamaile ni lizazi. Ki ba bakai ba baziba cwalo? Mu lutilwe cwalo mi mwa ziba. Zwelopili ya kale hahulu ye lunani ki China, mi kuzwa fani ya taha mwa libaka za kale. Mi cwale Moya o Kenile, isiñi l-i-z-a-z-i, kono M-w-a-n-a . . .

234 Mi lizazi, l-i-z-a-z-i, la kala ku monyeha mwa mbundu ni puka ya busihu, hakuna taba kamba peu ikai, ika pila; kakuli bupilo bwa limela kaufela bu pila ka lizazi. Lwa ziba cwalo. Mwa kona kusela samende ye lu bilwe fa bucwani, mi litabula lelitatama, bucwani bo bu tibani bu kai? Kwa mafelelezo a samende. Kiñi? Ki bupilo bo buli mwatasi mwani, ha mukoni kupata bupilo bwa luli. Ona bupilo nyana bwani, li sa ziba fela kuli kani ki kambalala mwahali mwani, ika ikataza mwa nzila ka sibaka se silikana licika la patelo, kufita mwatasi a samende ye beilwe kuba mutomo kufitela ikona kupunya toho ya yona mwa halimu ni kuya ilumba Mulimu.

235 Ha mukoni kupata Bupilo. Yeo ki niti, BUPILO. Ha u pepilwe sinca ha ukoni kupata Seo. Kuna ni se si kona kulila ha u amuhezi Bupilo.

236 Cwale, lika kaufela ze shwile cwale, mi ni—ni lipeu ze nyinyani za apuha ku kwaluha, misifa imatela fande, mi ishwiile, kono bupilo bu sa li mwatani. Cwale, lizazi ha li kala kubenya mwa litabula, lipalisa ze nyinyani li ka shoshela, mi lika kaufela li ka tumukisa litho za zona mwahali hape (kuzwa mwatasi a liemba, kuzwa mwatasi a musumo o lobezi, kukalela mwatasi a macwe), bu ka zuha hape, ni kupila hape. Kana ku cwalo? Kakuli l-i-z-a-z-i la benya.

237 Cwale, zazi leliñwi M-w-a-n-a uka benya, ili yena Mukalisi wa Bupilo Bobusafeli, mi ni lika kaufela ze melile ku Yena kwa Bupilo Bobusafeli, A bulela kuli, “Ni ka mu zusa mwa lizazi la mafelelezo.” Mwa bona se Ni talusa? Bupilo Bobusafeli bu ka zuswa mwa lizazi la mafelelezo. Ha ba ka ku pumbeka mwa liwate, kamba ba ka cisa mubili wa hao ni ku u fuzelela kwa mioya yemine ya lizazi, Mulimu uka u zusa mwa lizazi la mafelelezo. Haiba muna ni ku kulisa mba ye lapile ya tau, kamba—kamba kukena mwa misima yetuka mululo ye kanga li—li—li likalulo ze sikitini ni maseli a kozimiki ni lika kaufela kuzwa ku wena, Mulimu uka u zusa. “Milili luli ya ka litho za mina ibalilwe.” Amen! Mulimu uka u zusa!

238 Cwale, mutalime faa. Cwale, haiba muuna kaufela u shwa kabakala musali, kona kuli mutu kaufela uka pila ka Muuna. Kuca ku musali mwa bupilo bwa mufuta o cwalo, mu ziba kuli mu ka shwa. Hakuna mukwa wa kuzwa ku zona, mu ka shwa. Mi haibile fela mu ca ku Zona, mu ka pila; hakuna mukwa wa kuzwa ku zona, mu na ni ku pila. Amen! Haiba nji seo si tisa lifu la niti,

Se si ka tisa Bupilo bwa niti. Kona nzila fela inosi yemukona ku bu amuhela ka yona, ki kuba ni Bupilo.

²³⁹ Cwale, mupolofita na bulezi, kuli, “Ku kaba Liseli mwa nako ya manzibwa.” Cwale mutalime. U bulezi kuli ku kaba lizazi le li kaba la mbundu, halina ku bizwa musihali kamba busihu. Ki mufuta wa malu malu cwalo, mbundu, lizazi la salami, kono niteñi Mwana u fa Liseli. Fahalimwa Mbundu yani ni malu ni lika zeo kaufela, Mwana u sweli ku monyeha Liseli. Li fa Liseli le liñata mwa kona ku zamaya, mi mwakona kubona mwa ku zamaela, ni zeñwi cwalo, kono niteñi ha—ha li monyehi hahulu, kuba lizazi lelinde. Mwabona? Cwale, hakuna se si kona kupila mwa lizazi leo.

²⁴⁰ Haiba mucala sika kaufela fo ku sa monyehi lizazi, si ka hula ka kunyana. Nji ha ki cwalo? Mina linjimi mwa ziba cwalo. Mu beye mbonyi mwa muluti kamba sibaka sifi kaufela, mutalime, u ka inyanisa fela. Fred, u lukela kuziba cwalo ka buloto bwa hao. Mu icale kwande kafoo, mi haiba muna ni litabula le li maswe, oh, kubate ni pula, ika li nyanisa mwa kuhula.

²⁴¹ Kihande, boo kona butata bo buli ni keleke mwahala masika a kaufela, se i nyanile mwa muhuhelo. Se i nyanisizwe ki likopano, “Muñole libizo la mina mwa buka. Lu bile ni Liseli le lituna la kuziba kuli kuna ni Mulimu.” Ni tabile ka seo. “Lu bile ni Liseli le lituna la kuziba kuli kuna ni Kreste, kuna ni katulo yetaha. Lubile ni Liseli; kacwalo lu beya mabizo a luna mwa libuka, lu lumelisani mazoho ni balisana, ni babañwi cwalo, mi lu ezize cwalo.” Ku lukile, kono cwale seli nako ya manzibwana.

²⁴² Cwale, zwelopoli itahile ka kuzwa kwa upa kuya kwa wiko, mi cwale se luli kwa Likamba la Wiko. Ha lu sa kona kuya kwapili; lu silela mwabuse, lu kutezi kwa Upa hape. Ha lusa ya kwapili hape, lu kwa Likamba la Wiko.

²⁴³ Cwale, Bible i bulezi kuli, “Mwa nako ya Manzibwana Liseli lika taha.” Cwale, ki lizazi la mufuta mañi le li monyehanga kwa nako ya manzibwana? Kana ki lizazi le li shutana ku le li pazulanga kakusasana? Ki lizazi le li swana. Kana ku cwalo? Kihande, kanti, ki sikamañi sa na sepisize Mulimu? Cwale lu ka fita ku seo, mu libelele, kwa tasi a lona lusika *loo*. Bible ibulezi cwalo, Ni ka li bonisa cwalo, masika a likeleke aa, halunze lu ya cwalo, kuli, “Mwa nako ya manzibwana ku ka taha Liseli le li ka tazeza kwa Wiko le li ka tisa Lizazi la Kuluka hape ni foliso mwa mafufa a Hae. Mi ni lisupo zeswana ni ze komokisa ze swana ze ne ezahalile kwa mulaho kwanu kwa Upa li ka ezahalela kwanu kwa Wiko, ka kusuluha kokuñwi kwa Moya o Kenile mwa lizazi la mafelelezo.”

Ku kaba Liseli mwa nako ya manzibwana,
Nzila ya Kanya mu ka ifumana luli;

Mwa nzila ya mezi, Kuna ni Liseli kacenu,
 Mu pumbekwe mwa Libizo lelinde la Jesu.
 Banana ni ba bahulu, mubakele libi za mina
 kaufela,
 Mi Moya o Kenile uka kena luli;
 Maseli a manzibwana atile,
 Ki niti kuli Mulimu ni Kreste ki alimuñwi.

Oh, ku kaba Liseli mwa nako ya manzibwana,
 Nzila yani yeliba kwa Kanya muka ifumana
 luli;
 Mwa nzila ya mezi ye kuna ni Liseli kacenu,
 Mupumbekwe mwa Libizo lelinde la Jesu.
 Banana ni ba bahulu, mubakele libi za mina
 kaufela,
 Moya o Kenile uka kena mwateni luli;
 Maseli a manzibwana ani atile,

244 Nto yeswana yana bulezi Pitrosi, “Ha izibiwe ku mina, kuli Mulimu u ezize yena Jesu yaswana yo, ye mu kokotezi fa sifapahano, zepeli kuba Mulena ni Kreste. Mubake, mañi ni mañi wa mina” na ize, “mi mukolobezwe ka Libizo la Jesu Kreste kwa swalelo ya libi za mina.”

245 Ha lu boneñi ni mi bulelela nto yeñwi. Sina ha ne Ni bulela zazi leliñwi ka za *mulyani wañozzi dokota*. Batu ha ba tabelangi kuamuhela mulyani wa ñozzi dokota. Haiba una ni—ni mulyani o ka folisa butuku bwa hao, mi una ni-bupalelwi. . . u hana u unwa, ha ki mulatu wa dokota ha u shwa. Batili, sha. Ki mulatu wa hao, kakuli u hanile ku unwa.

246 Mi cwale, haiba dokota u ku ñolela mulyani mi u . . . mi u amuhela mulyani wani ku mulekisi wa milyani wa buhata, mi ubeya sika sisili mwateni ze sa lukeli kubeiwa mwateni, u ka ku bulaya, ni ona. Kana ku cwalo? Dokota yani ubalisize lika zeo kufitela a ziba hahulu za mulyani o li sifanu, kuli abulaye likokwani ze li mwa mubili wa hao; mi kuna ni mulyani okona kulwanisa sifanu seo kuli usike wa ku bulaya. Mi una ni kulikanelela. Haiba ubeya hahulu mulyani wa kulwanisa sifanu, hauna kutusa mukuli; kubeya hahulu sifanu, si ka mu bulaya. Li na ni kuzamaelela.

247 Puzo neli kuli, “Kikuli hakuna mulyani mwa Gileadi? Kana hakuna ñaka mwateni?” kubulela mupolofita. “Kona kuli ki kabakalañi butuku bwa mwana Ke wa musizana ha sa foliswi.” Ki butata mañi bo buli ni keleke? Ki butata mañi bo lunani ka kuba ni bakuli ba likeleke zeñata hahulu? Kakuli luna ni balekisi ba milyani ba ba si bona mi bafa mulyani ka mafosisa. Yeo ki niti. Na si ka bulelela kuli, “Ndate, Mwana, Moya o Kenile.” Na . . .

248 Mulyani no ñozwi cwani? Ki yo Pitrosi. Ki ba bakai baba ziba kuli nana ni linotolo za Mubuso? Jesu na bulezi cwalo. Ki

sikamañi sa Na bulezi? Mwa manzwi amañwi, una ni siñoliso sa enge kuli añole munwelo wa Mulyani.

249 Ha ba zibahalisa taba ye kwa mabaka kaufela, (Ne ba huwa, ni ku kalumuka, kubulela ka malimi, ni kuba ni nako ye cwalo.) mi se bali, “Batu ba bakozwi veine yenca.”

250 Pitrosi ali, “Ba ha ba si ka kolwa veine yenca, sina mo mu nahanela, kakuli ye isali fela hola ya bulalu mwa musihali. Kono se ki sona se ne si bulezwi ki mupolofita Joele kuli, ‘Ku ka ezahala mwa lizazi la mafelelezo,’ kubulela Mulimu, ‘Ni ka sulula Moya wa Ka fahalimwa libupiwa kaufela. Bana ba mina ba bashimani ni basizana ba ka polofita, mi fa batanga baka baba sizana Ni ka sulula Moya wa Ka, mi ba ka polofita. Mi Ni ka bonisa lisupo mwa lihalimu, mi ni mwa lifasi; mulilo, ni musi, ni malu a mundu. Mi ku ka ezahala kuli kaufela ya ka biza fa Libizo la Mulena ha na . . . u ka piliswa.”

251 Mi hape u sa bulezi ka za Davida, ki hali, “Davida mu Patriareka a libona, ni ki hali, ‘Ni hakuli cwalo nama yaka ika pumula mwa sepo kakuli Hana ku tuhelela moyo wa Ka mwa lihele, mane Haana kusiya Ya Kenile wa Hae kubona kubola.’ Ni mi bulelele patalaza, bana bahesu, ka za Davida mupatriareka. Sa shwile mi u pumbekilwe, mi libita la hae li sa inzi ni luna ni lizazi lee. Mwabona, kono yena, kakuli neli mupolofita, a bona zuho ya Kreste. Taba ye ha izibahale ku mina, ya kuli Jesu yoo, ye mu kokotezi fa sifapahano ka mazoho a maswe, Mulimu u Mu ezize Mulena ni Kreste.”

252 Ba si no utwa zeo, ba tabeha mwa lipilu, mi bali, “Bana bahesu ni mizwale,” kamba, “Dr. Simoni Pitrosi, a lu ñolela munwelo wa Mulyani. Lukona ku U nwa cwani? Lu bata kalafo ya sibi.” Oh!

253 Cwale a mu mu talime, sa na bulezi. Cwale mu fumane foo likeleke lizweli mwa nzila. Mi naize, “Amulibebele fa muzuzu! Ni ka ñola mulwelo wa Mulyani, mi ukaba Mulyani wa Kuyakuile. Li kaba za mina, ni kwa bana ba mina, ni babali kwahule kaufela, mane ni bao Mulena Mulimu wa luna uka biza.”

254 Ki sikamañi sa na bulezi? Na li kondisize cwani? Inge ba Katolika mo ba ezelize? Inge ba Baptist mo ba ezelize? Inge ba Methodist mo ba bezi ni zona? Ufi ni ufi wa bona u ekelize sesiñwi kamba kuzwisa sika ku Yona. Inge Mapentekota? Ba ekelize kamba ba zwisize kwateni. Kono ki sikamañi sa bulezi? “Mubake, mañi ni mañi wa mina, mi mu kolobezwe ka Libizo la Jesu Kreste kwa swalelo ya libi za mina, mi mu ka amuhela mpo ya Moya o Kenile.” Mulyani wa Kuyakuile! “Ki ya mina, ni kwa bana ba mina; se si kaya mwahala lusika lwa keleke kaufela, ku Li fa ku bona kaufela.”

255 O Mulimu, kenisa mazoho aka. Kenisa pilu yaka, Mulena. Mi . . . Haiba li ka ni amuha mulikani kaufela ye Ni nani, ni

lukela kufa Mulyani ka mwa na bulelezi Dokota kuli kona mo U lukela kufelwa.

256 Leo kona libaka ha mu na ni likeleke zeñata hahulu ze shwile, ki ma membala babañata hahalu ba bashwile. Musweli kuekeza mulyani o felisa buhali, ni kunwa hahulu omuñata wa Ona kufitela mane Mulyani haisali ona ni hanyinyani, mane hauna kufolisa; kuswalana mwa mazoho, ni kuikopanya mwa likeleke, ni kufafaleza. Oh, sishemo, wo ha ki ona Mulyani, leo ki lifu. Haiba u bata Bupilo, mi ubata Moya o Kenile, latelela sa bulezi Mulimu kuli ueze. Nwa Mulyani ka mo ñolezwi! Ona cwalo kona mwa na bulelezi, “Usike wa ekeza ku Ona kamba kuzwisa ku Ona.” Mi se ku taha Sinulo ona fa mi ya li, “Kaufela ya ka zwisa kwateni kamba kuekeza kwateni, ze swana li ka zwiswa (siemba sa hae) mwa Buka ya Bupilo.” Oh, mawi, yo ki yena Dokota *yomuhulu*. Oh, Na Mu lata. Mina boo?

257 Oh, kwa lusika lolutuna lwani, Lusika lwa Maefese, tuto ye kopami ye haikena mwateni, kuli bapange likopano. Mi balisana ni madikoni. . . kamba isiñi madikoni, kono mulisana. . . isiñi balisana, kono Baika ba za bulapeli, mabishopu, mapope, batoneli kwa keleke, kubulelela Moya o Kenile, kubulelela Keleke, “Cwale, haukoni kuba ni zeo mwateni moo!” Mulena ki mañi, nihakuli cwalo?

258 Pitrosi na buzizwe nako iliñwi yani. Bali, “Ha mu sa lumelezwa kukutaza ni kamuta ka Libizo la Jesu. Mwakona ku kutaza haiba mu lata, kono isiñi ka Libizo la Jesu.” Oh, diabulosi utoile Libizo lani!

259 Pitrosi naize, “Kana ku lukile kuli. . .” Bibeles ibulezi kuli, “Pitrosi inza tezi. . .” (kopano?) Oh, ah, “. . . ka Moya o Kenile.” Ali, “Mulibelele, Ni ka yo bona mutoneli yomuhulu, kubona sa ka ni bulelela mwa kuezeza Se.”

260 Halu boneñi ni mi bulelela. Kana mwa ziba kuli ba Assemblies of God bana ni muatuli ya talima za kutakana kwa booko, mi baisa babuleli ba bona ku mualafi wa kutakana mwa booko, kuli abone haiba muuna yani wa kona kuba mukutazi? Ba Pentecostal Assemblies of God. Ki ba bakai ba bakile bautwa cwalo? Luli, ki kaufela zona, mutu kaufela wa ziba. Luli. Ki mañi ya lukela kutatuba mukutazi mwa ngana ni kuba muatuli, mualafi wa kutakana kamba Moya o Kenile? Mwabona, zeo kona ze mu amuhela, ka kuba ni mutu. Mwabona, mibonelo ya ipangezi fela mutu, lituto za ipangezi fela mutu. Mulibelele kufitela lufita fa lusika lwa Pentekota lwani! Mulimu uka cisa nto yeo kaufela ka niti sina lifasi. Eeni, sha. Eeni, shangwe. Mi mu ka bona kuli si ka tuka mulilo ku to fita fafasi. Uh, hum. Ona cwalo.

261 Kono ka zazi leliñwi le likanya Uka taha. Mi muhupule, muteeleze, kuna ni masika a likeleke ze sebene. Kana ku cwalo? Kuna ni masika a likeleke ze sebene. Mi mwa hupula he ne baizo

bona Munyaliwa—Munyali, babañwi ba lobala mwa hola ya makalelo a kutona (Kana ku cwalo?), mutonelo wa bubeli, (Luli, neba—neba si ka shwa, ba lobala.) mutonelo wa bulalu, mutonelo wabune, mutonelo wa buketalizoho, mutonelo wabusilezi; mi mwa mutonelo wa busupa muhuwo wa utwahala, “Amubone, Munyali wa taha! Muzwele kwande mu Mu katanyeze!” Ki sikamañi sene si ezahalile? Basizana bani bene ba lobezi kaufela, ba zuha.

Kakusasana osina malu wani ba bashwezi ku
Kreste ha ba ta zuha, (Kokusina malu, Maseli
a manzwibwana aka monyeha.)

Mi kakusasana li ka pazula Kuyakuile, ka
busweu mi ka bunde;

Foo ba bapilisizwe ba lifasi ha ba ta kopanela
mwa munzi wa bona kwabuse bwa lihalimu,
Muta mabizo a bizwa kwani, Ni ka yoba teni.

Muta mabizo a bizwa kwani,
Muta mabizo a bizwa kwani,
Muta mabizo a bizwa kwani,
Muta mabizo a bizwa kwani, Ni ka yoba teni.

Ha lu sebeleze Mulena kuzwa kakusasa kuisa
lizazi lilikela,
Ha lu bulele lilato la Hae lelinde ni pabalelo;
Mi cwale kaufela za bupilo lifela, ni musebezi
wa luna mwa lifasi ufela,
Muta mabizo a bizwa kwani, . . .

Mwana Mulimu kaufela nanula lizoho la hao cwale:

Muta mabizo a bizwa kwani,
Muta mabizo a bizwa kwani,
Muta mabizo a bizwa kwani,
Muta mabizo a bizwa kwani, Ni ka yoba teni.
(Oh!)

Mwa bunde kamita ni mita,
Lu ta kopana fa likamba lelinde;
Mwa bunde kamita ni mita,
Lu ta kopana fa likamba lelinde.

262 Kikuli mwa lata lipina za kale za keleke? Oh!

Ku Ndate ya musa mwa lihalimu,
Lu ta mufa linubu za milumbeko,
Ka mpo ya kanya ya lilato la Hae,
Ni limbuyoti zende za mazazi.

Mwa bunde kamita ni mita,
Lu ta kopana fa likamba lelinde;
Mwa bunde kamita ni mita,
Lu ta kopana fa likamba lelinde.

Cwale muswalane mwa mazoho ni yali bukaufi ni wena, kwa maneku kaufela ona cwalo. Kona hande.

Bunde kamita ni mita, (Muli, “Ni ka yo ku katana muzwale.”)

Lu ta kopana fa likamba lelinde;

Mwa bunde kamita ni mita,

Lu ta kopana fa likamba lelinde;

Lu ta opela fa likamba lelinde,

Lipina zende nde . . . (Mañi ni mañi a i muopele cwale.)

Ni myoyo ya luna haisa swaba ni kamuta,

Kubilaela za mbuyoti ni pumulo.

Mañi ni mañi, ni mazoho amina mwa halimu:

Mwa bunde kamita ni mita,

Oh, lu ta kopana fa likamba lelinde;

Mwa bunde kamita ni mita,

Lu ta kopana fa likamba lelinde.

²⁶³ Ka litho za luna ze inami cwale, ha lu buleleni cwana: Mulena Jesu, [Kopano ili, “Mulena Jesu,”—Mu.] Na Ku lata. [“Na Ku lata.”] Na lumela [“Na lumela”] kuli Jesu Kreste [“kuli Jesu Kreste”] ki Mwana Mulimu, [“ki Mwana Mulimu,”] Mulimu ya bonahalile [“Mulimu ya bonahalile”] mwa nama [“mwa nama”] kuli atakule sibi saka. [“kuli atakule sibi saka.”] Ha ni sepi mwa bunde bwaka, [“Ha ni sepi mwa bunde bwaka,”] Ha nina bunde, [“Ha nina bunde,”] kono Ni ba ya iseza pilu [“kono Ni ba ya iseza pilu”] kusepa [“kusepa”] mwa bunde [“mwa bunde”] bwa Jesu Kreste [“bwa Jesu Kreste”] yena Mupulusi wa ka, [“yena Mupulusi waka,”] Mulimu waka, [“Mulimu waka,”] Mulena ka. [“Mulena ka.”] Na Mu lata. [“Na Mu lata.”] Amen. [“Amen.”]

²⁶⁴ Kamuso busihu ka sebene kiloko, haiba Mulena alata, lu ka nga keleke ya Smurna.

Mwa bunde . . . (Ka litho za luna zeinami cwale) . . . Oh, nako ni nako,

Lu ta kopana fa likamba lelinde, kamita ni mita;

Mwa bunde kamita ni mita,

Lu ta kopana fa likamba lelinde.

Cwale ka bunolo, mañi ni mañi, hamunati:

Oh, ku Ndate ya sishemo yamwa lihalimu,

Lu ka mu fa milumbeko ya luna,

Ka nubu ya kanya ya lilato la Hae . . .

[Muzwale Branham wa zwa kopano haizwelapili kuopela makutelo a pina—Mu.]



LUSIKA LWA KELEKE YA EFESE LOZ60-1205

(The Ephesian Church Age)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham ne li kotalizwe lwa pili mwa Sikuwa la Mubulo manzibwana, Nulule 5, 1960, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org